



馮阿山樵著

餘生詩藁

守硯庵藏板

餘生詩藁序

余聞古今詩人多非布衣傳者安在不亟亟通顯此亦未取詩人之世而論之也當處平壤襲衣裳視放聲滅跡幾同怪尸及審其時思慕君親流連家誠以孝與隱居風雅之大端則蟬蛻軒冕可已區區傳不傳迺亦干時者所藉口故古之人有投傳不顧者矣余嘗舉以律天下士而未可以槩之人人歷陽戴子稜旃余與定交久嘆其才充學博將幾於道矣夫戴子以河邨先生爲之父其詩文磊落孤憤流傳兩間稜旃伏處迢迢谷著述四十季有雙白雉來栖其廬抱書枕石行吟風櫺間

茲谷非殺旃之士室與余因與之論詩詩者三百篇之
苗裔必漁獵百家考天文地利樂律字母歌舞戰噉之
文章辨十五國貞淫八風邪正治亂旁及六藝書畫然
後免杖杜伏臘之誚戴子博洽無所不窺足跡太半天
下歷登五岳圖其形勝間與二三名公卿游又不釋韋
帶還古處此戴子之善述善繼克臻於孝隱也豈不偉
哉史叙獨行或隱居求其志或曲避全其道或去危圖
其安或靜已鎮其躁或垢俗動其槩戴子名立矣學成
矣唯歛才味道忘得失寵辱毀譽素位而行已耳遂書
之於卷端以爲叙黃岡同學弟些山杜芥撰

餘生詩藁序

自余栖江上遂與歷陽戴子殺旃定交三十餘年如一
日也距江南北百里而遙或一歲數見或數歲不一見
然呼吸若潮汐雖雲煙遷變韻能間之殺旃前十年伏
處迢谷南礪西峯松心雲影名可聞人不可尋而見也
中十年則歷登名岳齊魯燕趙秦晉之墟湖海江河關
塞之勝麻屨蒯帽所在流連人可尋見名莫可尋而知
也邇十年來歸偃林叟兒孫羅列朋舊盤桓吟嘯不輟
硯田筆冢動輒成蹟每入郡城假榻漁正寺邸葢漁正
爲唐張文昌故宅昌黎稱其詩學古澹歷陽詩派千秋

嗣響者其惟戴氏父子乎。旻旻以尊甫河魁先生爲之。父文章氣節遠邁。顧廚理學淵源。直溯濂洛。允足炳焯。史冊矣。其令弟無忝。早年隻身負笈萬里。遊完五岳。始畢婚嫁。壘篋一堂。解經詠史。不慕榮利。家學之熾。是豈近今多見者哉。昔河邨先生絕粒之年。僅四十有五。今旻旻之年。已逾指使。哀其生平之詩。凡四十五年以上。者。命曰前生藁。以後者。則曰餘生。是其孝思之感。身世之悲。後之讀者。抑有知其因時觀變。因靜昭物。因觸發感。因性成音者乎。余與旻旻世同齒。同學同坎。廩同。詩雖未敢與同。然終卷不見有顯要者。言是。其

交亦因弗同也。是夏旻旻偶自橫江來。余要共晨夕于江。栖閣者三越月。是亦生平未有之快事。又非他人所可同也。若世之庸言謬相稱賞。奚可以序吾旻旻之詩。艾谿同學庚弟王楫撰。

餘生詩藁自序

嗟予以是歲倏亦四十五年矣與先君子易簣之期適同不覺涕頤如澣哀哽不能言痛思二十年來身世所涉死生究無一當或負薪窮谷或傭書胝壘賣文爲活溷蹟市屠生之日死之年俛俛乎不知其何從也憶余在祿卽負奇癯弱冠猶羸瘠甚呂骨索索若筭珠恒見衣背外先君子每憂其不克末年時天下日多故流離轉徙輕去其鄉日趨侍杖屨歷赬墟窮林叟于柴車釣槎間側聞古今治亂之故以及身心性命之旨與聖賢豪傑之志輒恍然于心寢食幾廢于是始習勞走遠凡

詩書射獵醫卜農圃恒思困勉以赴之雖恨駑下不能有成狀自是夙痾賴以轉卻遂妄意此身前途于邁庶可小足以自見乃一旦崩摧不能以死殉先君子噫生固若是其足惜哉予兄弟四人二十年中瘵瘍失其二惟余與仲弟無忝猶生今無忝則復學道于四方足蹟已遍天下予則逐逐若雞鶩依人就食顧影憐生追念曩裏何堪自問於乎死矣因見兒子錄其生平所爲詩文若干卷遂命之曰前生藁是猶生而死之之義也死則無不可忘矣何詩文爲古人云其人與骨皆已朽矣獨其言在耳若似乎其復不能忘也嗣是有作更題其

卷曰餘生是猶死而生之之義也其生之其死之朽與不朽焉而已所以生所以死所以朽與不朽其天平其人乎欲徒欲于此卷求之予亦自知其若失矣旃蒙大荒落白藏相月鷹阿山樵自識於守硯庵

餘生詩藁目次

卷之一

乙巳除夕示兒輩

丙午元旦述衷憶弟無

忝在蜀余復將遊燕

雪阻全林吳氏園林

雪霽偕犀水率庵雲子衝泥度滁山得泥字

珠龍鎮懷古

過清流關

由桃花營取道張八嶺

劔谿就榻僧舍

泗上

宿泗州前輩王蒙修先

生園亭感賦

玻璃泉

鮑家莊贈逆旅主人黃麥

歸仁隄

宿遷感懷

經瑯琊王右軍故宅

蒙陰道上

登泰山放歌

阜城道中

將至涿鹿和逆旅壁間韻

詠塵 三首

詠古 三首

過觀莊上谷署中卽事醉歌

和犀水董氏園林韻 二首

嘲馬四雲子墮馬

雨中過嚴生槐龍署中却贈

再過董氏園林看芍藥分賦

華城恭望天壽諸陵

過若庸

土木

武宗行宮故址

五月五日 四首

上谷醉中

題畫贈王郎

望宣府東南一帶山

榆肉歌

不得舍弟無忝還家書

因寄示之

偕諸子登北山寺

洋河行

六月朔題上谷邸壁

上谷得無可大師所著藥地炮莊讀之感賦

宣府卽事賦裏呈犀水觀莊 五首

和犀水蓮池寺韻

初秋和韻

和觀莊蓮池寺韻

登張家口城樓

宿邊城壘師室中畱詩贈之

游東山歸示觀莊

觸卷有感示主人

孫豹人嘗數稱李岷瞻于余今于燕遇之時將李

廉州則固先文節所筮仕郡也因畫以祖之

並述所感題其上

燕市除夕感裏呈犀水兼憶舍弟無忝三首

卷之二

丁巳燕臺元旦

人日雪中示知己

畚謝鳴玉原韻

北燈市辭十首

燕九節二首

題畫二首

畚觀莊元旦寄裏

得廢穀皮紙作指掌小

冊間課一画輒題一小詩以見意十首

燕邸逢錢礎日却贈

東河寄軒讌集限齊字

再用前韻呈古古

再過上谷七夕感而賦

之

七夕後二日余生日也

再用前韻遣裏

西瓜

青若遊燕其從者無老少皆乞余詩因各戲贈首六

劉公敵索画並題

移次金魚池館和犀水

韻

漫興

九日獨坐對月

窮漢市吟

題千巖對語圖呈犀水 邸次作紙帳題日燒苗

贈公敵 贈阮亭

贈釋堂 贈周量

燕市辭 十一首 題画 二首

題画贈阮亭 二首 步月燕市

題画贈白奔山人 與率庵對飲和韻

送謝鳴玉歸長沙 題画

戊申三月十八日偕犀水率庵遊西山過皇姑寺

抵玉家庵余獨跋龍堂登翠微山頂瞰寶珠山

下宿誰主亭 二首 十九日北迤至香山

來青軒宿四望凄然不能樂也 二首

卷之三

將入太舉率庵贈以詩犀水和之依韻奉畬

出都三日至保定 慶都道中 三首

定州道中 真定道中

井陘道中 黑沙嶺

迂道太原造訪黑松莊傳青主不遇冒雨返邸次

悵然賦此却寄 贈傳壽毛

介山道中 靈石道中

霍邑道中 過洪洞劉子方遲飲 三

於洪洞署中遇顧當如

相與道故喜慰平生並呈子方

信宿洪洞泗洲院卽事將別示弟子韓揆

西岳廟

贈王山史

贈王伯佐

爲二弟無忝作千尺峽

百尺峽雲雪圖

西華山襍詩 十二首

迢谷雪夜感吟示兒輩時將游歷下二首

歷下酌突泉用松雪原韻

至歷下五日卽除夕偕同人卽事 二首

濟南雜興 五首

清江浦潛庵牡丹

初夏坐潛庵卽山居却贈

普應寺病中野望

西寮靜坐和犀水

浦上逢柳老說事

疾中感懷

題画

西寮送日

迢迢谷東外

公路浦畬內

雨中卽事遣懷

遣悶用杜韻

冒三青若過淮浦寺卽賦答原韻二首

送鍾公猷假歸出都將遊歷下

燕市解羊裘送冒二毅梁從鍾公猷東游放歌

寄題上谷槐龍署中十二詠

詔谷艸堂初成漫賦

贈鐵上人二首

題画 四首

辛亥除夕感裏

和二弟無忝學香山鏡換孟原韻

壬子詔谷除夕追述是冬苦裏感賦二十首寄城

中无忝河魁有裏兩弟和之並示諸子

卷之四

和友人霜月蘆花原韻

山寺喜雨夜坐示從弟

有裏

勸五兒權星力田作

山堂閒適

贈陳季箴

入城輒疾作亟還山堂感吟自慰三首

迢迢谷中秋對月兼寄無忝有懷兩弟 三首

蒼鷹行

猛虎行

甲寅年五日迢迢谷中大雪三日 二首

人日大兒越星戲作雪假山却賦

靜坐馬鞏寺深林中題石上

感興 六首

終夏南風甚競旱勢可

憂復聞江警作此自解兼示知己

憎蠅觸賦

立秋乍寒旱勢益棘

新秋細雨連日不覺喜慰成吟

和二弟无忝新蟬韻

和无忝新月 二首

戊申歲予自燕遊太華由拳顧生為予寫小炤作
晏坐苦吟圖以送之今倏七年矣是歲生日對
鏡窺圖惘然自失因題其上向平之願寧忘之
乎

者領而謝之二首

忽有馴鷺降于池邨兒

擊折其翼養之庭前見其意甚愴然感賦以慰

之

戲作陰崖釣窰圖輒題

其上

畫雲泉石隱壽二舅父

七十

和陶有會而作

甲寅舟中除夕時泊樅陽南岸

乙卯舟中元日

那剎磯

三月望日冒雨出歙治歲寒亭為黃山之遊次夕

抵雙谿宿

黃土嶺

泉口道中途程能一話舊

楊干道中

桃花巖狎浪閣對雨

白龍潭觀飛瀑

朱砂庵鍊魔堂

望天都峰

雲谷擲盃禪院

文殊院

登蓮花峯絕頂

宿鍊丹臺

後海二首

泊清谿感舊二首

鐵星三十生日詩以勉

之四首

閉門吟

題画四首

卷之五

乙卯迢迢谷與諸兒守歲二首

丙辰元日紀裏二首
邗上贈孫桴庵

贈范十山
過文選樓訪鄧孝威

李武曾黔游還復自潁川過邗將歸嘉禾過訪邸

次兼得鐳公賦近問
過姚伯輔聖艸亭

兩過黃仙裳不值後惠詩見存依韻奉畲

過蘭州謝漢襄話
黃奇生為余作破琴覽

鏡圖小昭賦裏

贈楊季先長歌兼示頓

公伯輔寄裏憚正叔

孫豹人滯豫章深以為

懷却寄

廣陵逢田伯話舟次

望東臯返棹

邗上逢伯紫

雷塘感事

雨泊壺盧套時水漲為

災二首

月泊東葛城一壘漲潦

無際卽事感懷

逆旅覽鏡

和雀問竹瓦歌原韻

五月東游還迢迢谷苦

雨觸裏二十韻

大雨嘆示兒子

木斑竹杖

画中偶得

丙辰卒歲四首示兒子 丁巳元旦大雪新霽碧

落精廬禮慧蘭禪師暨先文節公遺像

送二弟无忝偕陳三季箴游陟州

詣鼓山問崔巖道人疾至時已入塏七日矣 四首

誚燕 燕舍

蒼山白龍瀨茶歌 白石洞天歌

狼食牛行 生日示兒輩

先文節府君忌辰奠于碧落精廬

精廬西偏隙地復結一茅以自容名曰蛻峽

雲鴻 謁雞心山祖墓

紀異歌

戊午元旦雪霽長歌示

樵人

人日嘆

守硯庵水仙來自莫愁湖喜其盛開賦絕句四首

以醉之

發春西風甚勁占者謂

兵氣也漫賦

東杜三楚芳訊老梅勝

常否

邨背嶺下見一珠泉可

慶

去秋五勞析居分養抱

茲苦心良獨內愧下載元亮同感焉兒輩慎哉

兼示無忝

觸感舊事

卷之六

碧落盧白雉示无忝二首

題蛻峽新僻

兩賞西卷歌

愴懷 五首

偶西盤石上一臥松偃

寒支離於華太之下一麥臨流扣石而吟

已未人日陰慘特甚憶弟無忝入粵

題畫寄吳舫翁姑韻兼示楊子部山二首

季箴借舍弟無忝過碧落精廬慨然有抱經林藪

之志賦詩六章見示依韻會之

始至含山時維初夏

假榻安國寺示僧

城中好我者相繼招尋

贈王東柯

贈鍾廉宕

贈王石梅大令及長君

桐源

贈飲香堂唐秩臣

游定夫先生祠淪為淫祀僅存篆碣委在泥涂復
之甚易諸同人之責也存此志慨

謁張不二先生遺像示其孫思孫

蒼山僧吾一送新茶

褒山禪堂唐子秩臣力

葺之邀同鍾孝虎黃素書過宿一夕

將欲遍為羣山之游不克果

望太湖鼓山弔崔巖

早勢游至

西郭雲壇羣儒挾僧誦祈雨經

登城望雨不至將裏硯還迢迢谷

雞籠道中蝗忽大至 暮還守硯庵觸目愴然

晚秋早穀中皆蟲損實 九月朔山妻示疾五日

而訣 妻暝時猶相視而笑出

谷外覓棺始就斂 予自製瓦棺成已三年

矣猶未遽歸也妻先就木示慰兒輩

三男弁星婦先其姑兩月而病後其姑一月而外

死之前一日夢姑呼同歸姑死之夜慰予曰吾

數已盡不必哀也時兒家炊多不能繼

西舍火起幾燔吾室以救獲滅更慰兒輩

競傳災異矢口成聲 山花蘿蔔山民賴以獲

全此天地自然之賑也故頌之

流孳南徙不忍見 牛厄

愴時戒兒輩勿造不相知者門

除夕薦碧落精廬 守歲守硯庵二首

示馬峯山中伐樹僧 八首 張二逋臞五十生日

山堂梅花 二首 庚申元夕紀愁

謝逋臞介峯惠米邱次 黃山圖歌

馬克仲西莊牡丹 題世外山圖

放歌贈于湖魯人 再詠白雉三首

又詠白雉三首

題画寄阮亭

題画寄釋堂

題画寄其年

卷之七

酒家請以酒易画戲作藏頭山與之訂

画中襍詩 十二首

和无忞枕上示兒輩時

麥孫始入城令隨廟星讀書

覽鏡篇

辛酉郡城除夕示無忞

季箴

癸亥元日迢迢谷中卽

微雪迨五六日復大作盈尺時窗梅早綻恒有

雙鳥馴啄其上醉聽兒輩侍誦放翁詩輒竟夜

人日忽喜夕霽招月看梅呼酒酌雪效其體率

賦十首山中之樂僅此耳寄示城中無忞有裒

兩弟竝陳三季箴和之

積雨春過半劇疾與俱困小霽輒少差作此遣裒

三十韻

長干邸次奉送吳山賓

還池陽二首

甲子歲鼂于旬日中風

日雲月雨霜霜霏雷霰雪電寒燠陰晴各極其

變何能無感也靜坐守硯庵兒輩率大小諸孫

羅侍左右不覺醉吟拗體十首不復次第

二月授經于白洋河勉應佟平遠公之招書裏

喜雨

憶迢迢谷中山花歌

暮齒

河隄夕眺二首

窗槐有鵲頻欲來巢不及成而去

楹間籠鶴

長干一枝閣酬苦瓜上

人五首

青藤道人竹石偶得之

青谿肆

贈宛陵梅定允

沈天士以其兄崑銅先生土音集見示追悼二首

過胡星卿先生竹園悼之

偕杜些山登蟲天閣

畫巖居圖

贈鄭瑚山集杜句

甲子除夕前三日雪大

阻城中寺邸不克還山與諸僧守歲作雪德歌

乙丑元日立春雪寮靜坐猶如山邨再頌雪德示

麥孫

四日甲子新霽

卷之八

山中蚤梅

譯鵬音三疊

示學画者

是秋山民頻有虎患自

來所未有也聞之愴感賦以紀災四首

聞淮泗間水災感裏

二首

画中雜感十四首

鄰僧送瓶菊

謁正學方先生祠墓

長干襍感八首

哭苗湖從弟時姑谿逆

旅疾革歸河邨而沒二首謝懋居餽精米糟笋

就訊陳三季箴疾賦以慰之二首

至采石訪舫翁不可得悵然返棹不能成寐二首

翠蘿山陰有惺堂道人結茅其上偶憩題壁

冬温 題一枝五首

匡廬謝生索題 臘日始覺寒至率賦

除夕前二日雪霽還迢迢谷歌

雙異牯歌 丙寅歲朝踏晴雪坐碧

落精廬竟日夜還守硯庵偶讀蘇文忠黃州東

坡詩八首慕前賢之風槩感吾生之蕭騷愛而

和焉庸勉兒輩以暢老衰依韻八首

題精廬石壁 山中新月

人日卽事遣興示越星權星兩兒以其服勞也

庭梅嬾開詩以促之 城中元夕悄然

春寒邸次雪復大至二首朋舊

題四時画長卷四首 和无忝梅花

和季箴梅花二首 春月

王汾仲請作艾谿圖其鄉山也

三山浮閣題画襍詩二首題胡致果尊甫前中翰

日從先生九十授經圖卷十六韻

柳愚谷借影樓四首和胡叔理韻

題谿山心影畫卷贈艾谿

贈胡叔理

卷之九

久滯江上大兒鉞星馳省留待旬日遣還藥肆兼

示山中諸兒

贈龔半畝

江干

三山浮閣曉望觸感

秋倏將半思還故山東艾谿

画中襍詩九首

江南蠅嘆

道驪子移居漁上前市老尚艱剛近復無而

戲為之贈

寒月二首東盛四榻窗

張三屋舟

晴臘暄妍特甚復偕盛

榻窗正茹升劉藜乙過張屋舟痛飲步月漁上

時紅梅盡放

山齋月憶王艾谿

守硯画册題示屏星各家法十二首

東山行

偕盛榻窗葉季良入迢

迢谷觀脫峽牡丹

梓人端木生索余画因

題以贈之

立夏前一日同屋舟阻

風鉞魚嘴

過銅井訪陶窳舊逆旅

主人呂麥家見其少子呂六尚在已貧且老矣

感嘆良久賦別

板橋道上櫻桃三首

舫翁忽至長干喜賦

長歌題名山霽雪圖贈

舫翁六十初度

長干逆旅東山湯省老

偕王艾谿貫酒在顧繼贈以詩極道洞庭之勝

且有紫眉同岑縣壺倚杖于其中為之神選和

韻二首

丁卯初伏十日酷熱市

途喝死者多時長干南寮隨公以北窗假榻忽

甘雨曉至始為改色喜賦

汾仲江栖閣圖二首

題梅花洞天卷

還山坐峽峽竟日

虎久羣踞山穴無敢有

驅之去者為之憂歎

獵騎

題高士還山圖三首

贈劉澧湖

水石盂中水仙晴軒清麗可愛圖而頌之二首

廢紙瓠中檢此詩四首余生平題畫之作如天風

落葉隨存隨掃因想此畫意似猶可觀也

肺疾久而耳遠聾二首

陰雨殘梅幽蘭欲語示

寺中苾芻

贈巖上人

山中牡丹一夕為風雨所敗

江上逢寧都魏和公暨其令子昭士四首

張南邨歷游天台武夷歸以山記詩卷見示二首

黃山汪快士工篆章遂徧游五岳忽來長干同鄉

淡句而別却贈 題武夷第五曲六曲圖

二絕句 僧自宛陵將訪石公于

雷塘索寄 長干勗微乞西夢游小

卷更以白描文殊見會

星源清華里宗黨乞画家山

登岱圖

卷之十

長干瑠璃塔影歌

以先文節公澄泥硯長

猶子廟星守之作歌以述其事廟星其念諸

溪林讀書圖寄喻正庵 画寄知己五首

九日登萊霄院飲周向山丹室即席二十韻

會梅瞿山

望鍾山野燒

戊辰除日戊辰雪霽還迢迢谷喜庭梅乍開

己巳元旦己巳率諸兒羣孫薦謁碧落精廬

歲二日雪三日復雪山却寒寂危坐凄吟

四日喜見新月

五日負暄梅胸梅尚先

妻手植

六日山堂閒話自郡吏

敗通山中虎患盜患頓熄

八日對精廬中松巢家老僧

穀日集事

九日將掃肉齋為諸孫

書屋

十日將入城觸感

舉山王山史來金陵以所著周易圖說述見示余
作希夷避召崖圖并題長歌以贈之

僧樹居觀城北一帶桃花因憩雲葉庵邂逅耦西
老僧 過雨花臺松風閣贈張

白雲

千峯梅影圖

送縣雲入九華二首

疾中聞素伯訃為位而

哭之

丁尉菴南岳游歸枉顧

贈之以歌

柳愚谷七十

是秋余先龔柴丈五日而疾及余疾起忽聞柴丈
遽逝矣柴丈画法獨以用墨擅長一時罕有其
倫也些山以五言二首弔之因和焉

曲阜孔東塘過訪索画石門山圖將構孤雲艸堂
於其中峯洙水之源在焉因賦四首贈之

輪山結廬於青谿顏曰夕陽寮以其鄉有夕陽山
下有夕陽寺先人之墓在焉不忘本也賦七言
律四首見示因和原韻

雲山四時長卷寄喻正庵

張竹中將游彭城時河北游飢雁民載道聊折柳

以縮之

冒巢民年伯八十長歌

述衷

蒼翠庵雲辨小照

題画

題巢民老人避召崖圖

東臬得全堂贈歌者徐郎花乳二首

鄭元伯過訪蒼翠庵以詩見贈依韻賦會

巢民丈人八十得曾孫卽其長孫文博所首出也

於其彌月遂命以八十名之憶余初至東臬教

梁以人日舉文博方彌月陽羨陳髯暨同人皆

賀以詩迨今三十三年矣而余復至獲與良辰

喜爲之賦以紀之

千峰策杖圖爲竹堂道

人作

方有襄遣子虞律來金

陵過余鳳山寺邸索画因題長句寄之

餘生詩藁卷一

乙巳除夕示兒輩

歷陽鷹阿山樵戴本孝



一生詩送歲不欲問餘生泉石知寒性乾坤惜令名鳥
驚盍旦苦酒愛忍冬清紙筆雖堪好空山且自耕

丙午元旦述懷憶弟無忝在蜀余復將遊燕

千山盡樹護不弭百憂生百年付杯酒焉博千載名錯
錯峯上石頑冥無枯榮冉冉嶺上雲奔馳如送迎人生
苦蟲兒自古徒營營今來臥山廬昨歸自江城兩日復
兩年一陰復一晴老妻縫我衣稚子濯我纓鄰人送我

酒知我將遠行寒窗一老梅畱我香縱橫鳴駒何啾啾
鳴鳥何嚶嚶昨夢峨嵋顛有弟瞻望兄伏火寄丹砂斷
雪求黃精兩人各異地萬里惟孤征丈夫自有懷天地
空無情青山竟不言四顧何熒熒且復翻舊曆聊爲紀
王正

雪阻全椒吳氏園林

此來雖異縣猶不似他鄉雪識主人意林生春酒香幽
花寒媚客征夢溼依牀不盡殷勤在岐途憶轉長

雪霽偕犀水率庵雲子衝泥度滁山得泥字

新詩愛頌千峯雪老腳嘗沾四海泥驛路梅花應笑客

山城草店不聞鷄燒痕紫溼幽栖冷雲影青浮野渡迷
今日始開晴眼望一羣蒼鷓遠天低

珠龍鎮懷古

宋太祖征南唐斬其將皇甫暉于清流關駐軍于珠龍鎮後土人因廟祀之遂爲興鎮寺寺碑載之甚詳今且廢爲淫祠矣

藝祖南征日曾聞此駐軍古碑存野寺山鎮記前勳開
關思英主崎嶇息暮雲我來閒掃榻猶夢鸛鵝羣

過清流關

郵店石坡上流泉松嶺分度關瘖馬澀泥客主人慙小
憩消晴晝高眠到日矚珠龍橋畔水灑灑不堪聞

由桃花營取道張八嶺

山程鞭影暮衝霞春淺原荒不見花細徑深村苔掩屋
迅流谿折艸穿沙居人慣避弓刀客稚子驚同戎馬譁
極目煙橫前嶺外繩牀知夢落誰家

劔谿就榻僧舍

平嶺晴沙路橫谿估客舟渡頭喧晚市邨角挂危樓紅
粉鳴箏匿青林宿鳥投僧雛差解事頻進苦茶甌

泗上

雨日兼晴日山城對水城龍蛇荒大澤雲物改神京古
埵定波立浮梁駭浪橫帝鄉無復問老驥但長鳴

宿泗州前輩王蒙修先生園亭感賦

百年身外事湯湯如此亭臺夢眼看怪石性原耽寂寞
梅花香更惹摧殘山川自足稱賢主道路何嘗見嬾官
莫爲興衰頻悵望淮流今日使人寒

玻璃泉

崖上宋人題蹟甚多近有好事者方斲崖構亭其上

龜山幾片石到處舊題名負部臨千頃穿崖愛一泓當
時杯酒意無限古人情莫壞苔封字山靈恐俗生

鮑家莊贈逆旅主人黃麥

麥爲舊守陵戶頗能說往事復結有十老會

過斯者多贈之以詩

看盡浮雲過客身荆榛叢裏見靈椿居傳管鮑嘗同里
齒較綺黃竟不臣風雨能呼中夜酒園陵猶說舊時春

太平望眼惟長嘆消長空餘十老人

歸仁隄

客顏真易老春色更難攜殘市魚鹽少荒原艸樹低晴
泥疏困轍獨夢悔羈栖苦失東風意山田未得犁

宿遷感懷

荒瘠旣如此征徭尚若何有生斯赤子無計柰黃河野
色衰猶病車聲哀似歌客愁吹不斷風雨益蹉跎

經瑯琊王右軍故宅

風流千載數瑯琊此地空傳逸少家弋釣名山惟屈蠶
桑榆故國總寒鴉去官誓墓尋歡趣舍宅臨池玩物

欲問南遷東土事當時支許意無涯

蒙陰道上

竟日風霾裏鬢眉戟似張好山爭避影瘦馬冷嘶韁書
閉荒城小春消客路長一天吹黯澹誰更說沙場

登泰山放歌

吾將安放吾將安仰此山空尚在夷猶不欲上上之生
我今古愁忽共此山一時千萬丈平生五岳志煢煢夔
獨往撻取真形大如掌佩之囊中動遐想丈夫有足不
登捫天之絕壁有眼不窺浴日之窮淵有手不翻金簡
玉函之霧册有口不噓瓊華石髓之飛泉何不生作雙

行纏偃僂竈下智且孿日數米鹽愁可憐自古曾幾秦
皇與漢武天子不足求神仙神仙應笑癡天子僕僕封
禪何爲焉岱宗天孫羣霧府欲往從之愁梁父登封門
外僂肩舁輓顛斜步拄杖拄載路窮黎橫索錢鳩鴒憐
生厲聲苦我聞造化靈秀鍾此山莫救顛連徧齊魯我
亦不禮斗母殿我亦不履瑞仙崖但愛水簾風捲閭闔
開天馬可上凡馬迴石經仙字在何處深尋不暇空徘徊
快活天邊路三里石罅人家臥流水松蟠絕巖如苔
攢霞封雲扃天門裏忽聞御帳坪前風雨聲莫有老龍
峪中起枯松蛻幹蒼如石秦封大夫魯連死矯首盤空

十八盤飛磴鐵絙鐵闌干趺腳踏光五色石青天一直
磨鼻端具瞻巖巖五岳伯七十二家封禪壇元君玉女
古未著何時附會從黃冠銀榜金臺耀瓊宇陰陽昏曉
求筵篔奔走天下愚男女遺鈿捐佩何躑躅燔柴陵夷
設香稅掃殿巡山還有官噫嘻岳典古祀廢東封煙冷
誰當再唐家山頌摩崖矗蒼霄欲與岳頂秦碑爭勝槩
秦碑幸無秦字得長在不見李斯篆刻皆斷碎我欲安
坐日觀峯手探海日雲盪胸去天應只四五里安得凌
虛直上騎蒼龍徂徠空同列几案太行俯臥多龍鍾側
身四望未肯下吳門白馬黃沙籠小看天下青未了恨

無八翼悲窮鳥空自摩挲秦松漢柏與唐槐爲問歷盡
枯榮衰盛知多少古今事變何滔滔危如累卵輕如鴻
毛安危生死審所操泰山何能天地逃勿復登高望遠
心煩勞

阜城道中

馬上看人各轉蓬鄉關景物總難同土封平屋不穿雨
塵染征衫愁見風陽燄遠疑波影動林光疎與堡雲通
可憐二月春消息初覺青來柳色中

將至涿麻和逆旅壁間韻

黍薦蒲簾土炕房一宵一處一淒涼愁看燈暈凝塵眼

夢逐車輪轉客腸破部荒煙溼細柳廢邨寒棘訪樓桑
可憐一望黃沙外那記誰家舊戰場

詠塵

爭逐焚輪拂面來要衢亟避那能回揚從海上曾誰見
生向甌中良可哀一著朱顏真易改卽爲青眼強難開
虛空總是何人解五岳飛時看劫灰

起時天地亦蒼黃擊轂奔蹏古道荒滿室何曾虛間隙
汚人偏只喜飛揚微加風雨沾清灑輕掩河山望渺茫
行路相看皆土色江南佳麗倍難忘

何事勞勞望屬車鳴鳶又載曳柴輿衣裳不覺終黃土

煙霧何當凌紫虛同慶和光應不染出期遐想定何如
人心揚堞偏多擾雖有明珠辟未除

詠古

富貴與聲勢舉世饒顛倒風流誕放人無可攄懷抱挾
此玩世術好色詎草草琴心與賦才天地發奇寶咄哉
富人女殷勤通靜好富人愛錢刀貴客化傭係買田賣
車騎爲富何不早牛酒獻後驩杜門耻前掃滌器襟市
酤負弩看父老貧富亦何常吃吃勿復道犢鼻逢狗監
千古足深討

三年不窺園學者尊師之正誼以明道絕學臨無底

陽年少才匡建餒厥施治安與三桀感遇寧非時東陽
絳灌儔武人安足期主父公孫流讒嫉良可悲災異言
當死鬼神問受釐自此屈原徒寧聞呂步師鵬入豈不
祥痛哭亦匪宜安得共著書終老還下帷賢哉古兩生
難爲明主知

我嘗過平原欲訪歲星里三復誠子詩先生在是矣龍
蛇自張弛變化得神理雄主至難馴抗直乃爾爾甲帳
焚通衢走馬卻遠市宣室罪寵倖上林諫豪侈爭禮較
錢粟談譚動天子高自稱譽意詭時邁恒軌奇跡擬列
仙正言實莊士志豈求大官藉口向貪鄙形見神藏言

行之真不死

過觀莊上谷署中卽事醉歌

久別乍見忽驚老。見難別易老不了。四海我汝能幾人。
 天涯忍弗開懷抱。飲汝酒。聽我歌。雖老豪氣毋蹉跎。塞
 外之山鬱嵯峨。塞外之客良英多。何妨樗蒲一百萬。何
 妨斗酒十千歌。且勸不醉從來歌不悲。悲歌莫聽明妃
 怨。誰教啾啾唱邊辭。自古蛾眉數更奇。頂門燈盃叩哀
 玉。腰肢宛轉雙袖垂。觀莊有蠻僮雅善此五色氍毹炤紅蠟。箏箏
 琵琶絃筦合。我汝無非出塞人。千秋哀怨誰能奮。人生
 行樂貴及辰。骨肉枝葉何其親。出處雖然各殊致。聚散

忽覺如有神。我亦無我汝無汝。形骸土木失羈旅。白首
 粗糲飽亦足。况炊白梁炙黃鼠。董家園裏花復開。還期
 賦詩載酒相徘徊。更思騎馬歷上諸高臺。但見沙場白
 月寒。皚皚行宮廢苑埋。黃埃四望荒煙何處容我哀。吁
 嗟乎。不若故山驅犢歸去來。

和犀水董氏園林韻二首

一春花信杳永日。塞雲深老爰頻申。約荒林對午陰風
 澄天蕩蕩山靜樹。森森莫遣虞羅入。幽巢足好音
 天容吾輩放此地。亦良時花鳥聽楸局。笙歌促柘枝邊
 聲初罷。角酒力喜催詩。還看將離去。芳風仔細吹

嘲馬四雲子墮馬

我及伏波後一生愁據鞍驅馳原不易上下總皆難萬里尾何附三公臂少完莫言顛路苦險道在為官

雨中過嚴生槐龍署中却贈

凍雨知隨客幽花喜近人開軒如在舫倚樹自為隣樽俎生高韻詩書辟塞塵羊裘徵世澤此意轉相親

再過董氏園林看芍藥分賦

麥秋春始覺紅藥滿危欄四面鳥呼酒一圍山破寒茶槍敲武火果樹愛文官莫厭頻來客違鄉覓老歡

鞏華城恭望天壽諸陵

鞏華城外嶺雲黃遙望紅門黯夕陽那見天關蹲虎豹祇聞饗殿臥牛羊翻宜老佛不封樹惟有定陵無祭香莫道至今龍氣盡山川原不管興亡

順治中祭前諸陵獨不祭神廟

過居庸

從來險不在巖關今日居庸任往還牛鐸常將酒篋送駝峯空負帳房閒細聽幽咽彈琴峽斜指蒼茫畫字山出入總由南北口悲風慣是損愁顏

土木

驚心土木朔風殘宗社當年誰再安大漠喪師云大將中原辱國有中官轅回北狩君臣在門奪南宮兄弟歡

今日邊庭無內外青山可憶翠華看

武宗行宮故址

天子當年愛遠遊行宮說是酒家樓聖明寧必深宮老
巡幸何緣絕塞畱柱浸馬潼畝野艸沙埋鴟吻引寒飈
可憐三過鑿輿處無限春風只似秋

五月五日

五月五日上谷花人來人去醉琵琶可憐彈破關山月
不照征人夢到家

五月五日午眠時非醉非醒我自癡忽憶去年桃葉畔
鐙船簫鼓更淋漓

五月五日憶橫江江北江南鶯燕雙兄弟良辰看易失
關河舊恨苦難降

五月五日客莫譁我歌我泣向黃沙能無醉死天中酒
還有飛來馬上茶

上谷醉中

積醒日不解痛飲夜嘗分愁戀燈花喜歡爭竹葉勳真
能忘主客閒且謝塵氛何意沙場外翻無鼓角聞

題畫贈王郎

與子天涯手共攜幾回小立向花蹊那知邊鳥饒春恨
不怕人聽欵欵啼

望宣府東南一帶山

黃羊山外問燕然萬仞支殘漢塞天醉盡蒲萄金鑿落
肥調首宿鐵連錢壯多夢踞封侯帳老愛飛穿射虎弦
欲訪舊銘磨洗看沙昏石爛水濺濺

榆肉歌

榆關老榆凍流液素節蒼皮風日炙側生有櫛輒莢莢
其孳如筋縮如革土人初摘不敢嘗偶然迫取克飢
豈知浪與世人食漸傳異味生殊方謂此肥滑勝如肉
况和鮮膿出華屋榆肉方味天下聞豪貴金盤屢不
嘗索邊吏遠饋齎剝盡桑鷺與樹雞卽有天生樹上肉

可憐那得到窮黎

不得舍弟無忝還家書因寄示之

爾還巴蜀我幽燕兄弟行藏各可憐同好我營昏嫁畢
故鄉爾了室家緣江魚潮斷桑乾外朔犬音虛石印邊
五岳兩人千萬里一生大被少安眠

偕諸子登北山寺

雲物一時天際浮萬山風起咽邊樓城藏碧樹人家影
水射黃沙羌笛幽啜盡故人千日酒銷殘長夏四時秋
登臨遮莫生悲壯匹馬還當到處遊

洋河行

洋河之水天外來奔流激湍聲何哀一斛水嘗泥半斛
六月寒猶刮馬骨塞水從來魚不生風吹橋頭鐵兕鳴
天限中外關山隔外水還流入中國流到中國無盡頭
今古流水宛轉愁

六月朔題上谷邸壁

時雨中日食

六月披裘尚可容尋歡多向醉鄉逢黃昏白雨山顏淡
紅蠟青樽酒氣濃破解打殘日食鼓危樓吹起夜鳴鐘
餘寒偏喜生詩思陳跡他年記客蹤

上谷得無可大師所著藥地炮莊讀之感賦

禪病誰教藥地醫炮成蝴蝶古人師高吟忽入雨聲細

返照能生山色奇拙甚但從迂處見癡多偏與嬾相宜
何堪讀罷吹邊曲痛到淋漓轉不知

宣府卽事賦懷呈犀水觀莊

故人強作少年看長夏聊爲異地歡今日恐生明日悔
南風怪帶北風寒砧聲緩急何堪共詩卷飄零亦自安
倒盡上都高酒甕狂呼不厭到更闌

高酒上
谷酒名

悲歡不欲露須眉醒醉他人那得知越客還來談畫史
蠻童且去拜箏師有時花月閒相討無限雲山亂所思

日日風雷頻洗塞不情天地氣兒嬉

月來雷雨不常
塞地素所無也

城外水從城裏流官貧偏喜客淹留遠鄉貴米求梁穀

此地名花只海榴白額克胞生壯感紅兒入龍訴鷓鴣
時看稚子供啼笑惟對天真足解憂宣府北河水穿郭人亦塞外有小鳥
日紅兒青兒聲甚清越虞羅恒得之稚子時頗索此

邊備初弛烽火消飛飛燕雀且逍遙漸看關市無名馬
競侈衣裘覓好貂剗石催管降將家燒鐙閒煉舞兒腰
無端苦樂官多縛還是南山好挂瓢口外所市馬奔貂道恒經此時方論

營前降將某墓碑甚鉅故降將某者即土人也

日日閒眠向日斜起來惆悵寫清笳吏從遠堡遺山菊
僧叩衙扉供野花蠅近秋偏撓客枕燕居朔不認人家
笑貪飲啄無他事轉愧身多累物華胡燕野柘絕無一梁間呢喃之致

和犀水蓮池寺韻

南客愛煙水尋來眼乍青僧窗籠絡緯釣岸掠蜻蜒影
落半天柳踪仍大地萍秋聲寒不定歸夢幾時醒

初秋和韻

秋氣悲如咽疎鐘入雨鳴虛廊吟病客落月黯殘更忍
痛聊怡性憐生未免情糟工壯詩壘老筆尚長城

和觀莊蓮池寺韻

不覺長畱欲判年一灣野綠訪秋蓮寧無白髮縈鄉思
惟有黃榆領塞煙可惜蒹葭荒徑外欲從魚鳥寺門前
此中差有江南意纔得新詩便可傳

登張家口城樓

蜿蜒城勢列長蛇，堡斷峰連水折沙。駟儉譯通中外市，牛羊氣襍往來車。神爭社會當場綵，女競邊粧滿髻花。一望西風煙艸寂，駝鳴旃幕夕陽斜。

宿邊城塾師室中畱詩贈之

孤幃欹枕畱狂客，絕塞傳經嘆老生。天地詩書空覆轍，山川笳鼓亦虛聲。半階花艸危秋綠，兩頰風沙帶酒赭。且倚女墻吟折柳，吹來淅淅紙窗鳴。

游東山歸示觀莊

晨起仰秋空，澄虛宕遠心。策馬出門行，荒原禾黍深。野

閣枕東山薄，言事幽尋前。驥振逸轡後，侶逍遙岑橫。潦
蝕崩岸澀，徑凹蹄泔孤。僧肅上客赤，腳袒素襟分。飽設
供具借，醉謀山鷺芳。盤間野蔌涸，盃恣細斟。隻雞與斗
酒，碧瓜紅林檎。驕馬巖下鳴，酒人嶺上唵。蒼石何額額，
翠岫何崑崑。崑攀蘿瞰窟，乳抉石匄崖。陰奇雲琢寒，玉齒
花搖碎。金明河射高，春晚部吹遠。砧僕夫急昏，鴉游鞭
思投林歸來語，主人塵繼安。可任秋山意，最殷主人神。
不禁秉燭聽鳴琴，共醉為悲音。

觸卷有感示主人

日月徒從博弈消，可憐天地亦無聊。奇文誰信能愈疾，

那見宮中誦洞簫

孫豹人嘗數稱李岷瞻于余今于燕遇之時將李

廉州則固先文節所筮仕郡也因画以祖之

並所感題其上

我自昔年逢嘯侶獨于斯世歎龍門騎馬忽從燕市見

悲詩或許野人論突兀客懷吟欲老峻嶒苦氣寫來尊

應向珠官存逸事幸題廳壁記河邨

燕市除夕感懷呈犀水兼憶舍弟無忝三首

年年年盡日回首意茫然惟鏡不藏老須杯略助眠孤

心天地狹塵服古今穿燕市來何事吾生亦自憐

破硯知吟苦匡牀耐夢寒異鄉隨藥碗故事亦椒盤痛

覺蒼生賤恩慙良及寬不須驚歲序委運只加餐

世寧容我懶天亦惹人忙四海爭今夕一身猶異方雲

煙俱是客兄弟總非強遙憶悲歡共栖栖舊艸堂

餘生詩藁卷二

歷陽鷹阿山樵戴本孝

丁未燕臺元旦



正始冠裳會朝元玉帛齊一生嗟未遇千載恨難題飢
憶故園雀寒聞半夜雞竿標燈閣小勝結綵門低香筵
抽檀屑年糕印棗泥響爭惟爆竹光射有爇藜舉俗咸
相賀離鄉感獨栖關山依老爻杵臼窘山妻松火明窮
谷水牀滯遠隄客愁眠食減人逐道途迷知己交堪慰
良辰勉共攜盤殮加畢飀盃酪勸畱犁侈拍新歌板驕
忘舊戰輦斗杓猶指北曆學已非西閨位移躔度春風

遠攝提太平期在眼天或眷遺黎是歲改曆始不用西
洋法于元夕前二日

立春已
月分間

人日雪中示知己

而我猶人未反真依人偏是畏逢人難從境外尋踪跡
未了生前忍屈伸墨瀋千秋聊姓字菜羹一味只酸辛
不須雪窖探春信誰向寒灰問積薪

會謝鳴玉原韻

君家世望屬蒼生落落天涯意共傾湘水衡雲家尚在
燕山滇海事閒評尊惟吾道原宜拙窮向河源未許清
莫話封侯驚客夢一燈相對古今情

北燈市辭十首

三百年中十夜燈東華東市自來稱近移靈佑宮前看

景物翻騰見未曾上元張燈始于唐則三夜宋倍之列
市十日夜則自洪永始定為式北市

舊在東華門
東亘二里許

碎裁文錦裏離龕金翠飛幢八寶函一架千金頭不轉

由來飭巧總成貪燈架舊尚丹漆近則裝潢裂錦
寶華素艷爭直千金不易售

剪綵堆紗墨地花奇工画本做名家各標繡額春棚外

競向喧闐熨處誇名家劊製輒沿稱日南包北米
南謂包稱修北謂米及石也

絢雲烘日炙玻璃青綴琅玕紅火齊都是當時宮樣好

老闌翻出向人題燒珠料絲五色琉璃皆貴南製闌
寺流落多市骨董尤為狡黠云

千秋快事好商量鼇背春霞吐白芒赤帝劍光分白水

一盤靈宿舞昆陽

百花鳥獸蟲魚走馬諸故事燈多有
楊山地圖南驢子卿羊昆陽列宿者

輒聚觀
而羣喜

天街沸溢不容車淫巧紛紛列肆居貴賤總來游狎慣

手挑水泡弄紅魚

廟市諸玩皆趨燈市琉璃廠賣琉璃
五色葫蘆大小瓶盃諸戲具畏其脆

而易毀恒繫于頂上絡提
水泡窺魚影俄忽以為樂

妍媸面具舞推頰白索光中跳幾回還是兒童差解事

太平欲用鼓聲催

向夕羣蒙面具戲彌勒童子相向引
索掠地一童跳輪光中搥腰鼓曰太

平鼓其
來久矣

鏤火雕煙分燧縷掠霞侵月鬪春輝流光只合朱門看

那許窮閭照隱微

正陽門外左市皆升稍槌沙者鏗鏗
之聲相屬也煙火一架巨盒五層售

輒萬餘錢
然後可得

五色雲箋挂綺扉商燈隱語看人圍金鞍踞坐誰年少

打破春雷一束歸

測燈謎曰商燈恒
縣賞以待中者

近日豪華在八旗四時玩好喜全知此中即具昇平象

看盡燈殘見老癡

燕九節

燕之正月十九日也金皇統戊辰張春正
真人以是日生今西便門外白雲觀之右

阜云其遺蛻藏焉因像祀之都人于是日爭集
觀中彈射走馬日嬉蕪九節或曰蓋宴正之訛
也相傳是日真人必來
但苦世人不知之識耳

燕俗相傳燕九節年年騎馬白雲邊共期今日真人到

不見真人空可憐
我亦嬾騎果下驪何如端坐勝閒遊生平莫博長春號
那得春長不白頭

題画

巖麓誰人種竹居扁舟亦足溷樵漁兩山千仞臨千頃
相對無言實啟予
蒼崖一片通天寒卓笠谿邊倚釣看到此翻嫌塵事少
誤聽車馬夢長安

會觀莊元旦寄襄

醉時不顧醒時醒客枕屠蘇那得清身繼湯隨觀宦海

鬢華將欲放邊城風搖朔地牛車滑雲送南天雁羽輕
好惜強齡酬令序聞歌應自不勝情

得廢穀皮紙作指掌小冊閒課一画輒題一小詩
以見意

山氣鬱以蒼泉聲咽而碧此中一幽人蕭騷頭欲白安
得太無情冥然如木石

奇情無可見老筆漸趨迂僻絕隨雲過亭孤借石扶染
成枯寂性或恐笑狂夫

叢薄何蓊蕤喬木無餘陰斧斤向天地悲風摧我心不
知時榮者何以會高深

燔柴今已廢。岳霧杳何託。白雲來洗崖。有頌爲誰斲。濤聲聽松崩。響逐龍湫落。

我及天地間。總是無情者。冰雪香可餐。柯葉翠盈把。一片何巖巖。服膺歲寒也。

何處無深山。但恐俗難免。一心溯真源。千載不卷轉。扁舟弄桃花。此興自不淺。

井木亦爭榮。攀援與依附。凌霄桑寄生。滋蔓尚可懼。惜哉不防微。良材化枯槁。

有若此林泉。何其幸無恙。逃之毫楮間。想在羲農土。展卷對高風。突兀亦孤放。

雲山落吾手。筆墨解人頤。欲得渾茫氣。翻多第鬱思。但知存古意。不覺更淋漓。

坐麥柴扉外。林陰滿釣竿。葭昏煙棹溼。谿谿落水春。殘不是滄波客。前津問好難。

燕邸逢錢礎日却贈

十年前已見君心。十年後始見君面。君心自合古人知。君面何由世人見。長安誰無兩眼塵。塵中車馬何駢駢。躡屩尋君笑攜手。人生會合原有神。天下真詩讀不得。詩到真時世難識。我今二復十峯詩。悲同飲酒與乞食。從來布衣那得傳。公卿折節須引延。定知虛名復何益。

還期破硯聊苟全。獨愛與君論殘史。同甫酌古固爾爾。丈夫上下千古心。古人在今亦如此。

河寧軒讌集限齊字

開軒樓堞影東西。近岸春蕪碧漸齊。挾彈健兒騎戲馬。帶牌官廩伍眠氈。興從杯酒看消長。詩入鶯聲待品題。更向夕陽峯外望。誰人肯被白雲迷。

再用前韻呈古古

雲山自古不能齊。水暝沙昏夕照低。愁滿一天隨白髮。醉聽千日許黃鸝。狂歌莫更騎驢去。佳句頻驚刻燭題。共歎歸然今尚在。依依柳色艸萋萋。

再過上谷七夕感而賦之

孤心向永夕。雲物往來過。遠見空河漢。高飛亦網羅。故正瓜好熟。荒塞酒偏醅。老大傷離別。年年拙轉多。

七夕後二日余生日也再用前韻遣懷

兩年今日淚風雨。黯關河。千慮總無得。一生安足多。填槁髡巧婦。克脯敗頻漙。不盡驅鄉夢。其如酒力何。

西瓜

塞上寒瓜種。聞從回紇來。清秋消酒渴。烈日驗冰胎。白虎金流液。紅犀蜜漬開。膜脂山下熟。色味不須猜。

青若遊燕其從者無老少皆乞余詩因各戲贈

少小幽燕古戰場行將七十髻纔蒼老來更覺寒來蚤
却勸相如買鷓鴣
宣武門前萬丈塵古今污殺往來人加餐尚借驅馳力
莫逐詩名問客貧
日日閒來散旅愁不聞更按小梁州行厨學煮黃芽菜
還摘蒲萄記酒籌
淒水梨花春不數易州玉露白何來知君呼月自堪醉
約我攜人相對開
似恨思歸夢不成耽眠學病嬾逢迎應門傾耳恒微笑
亦厭長安車馬聲

獨爾恂恂更少文執鞭典謁亦多勤主人翻借稱君實
好著迂書自不羣

劉公賦索画並題

秋老顏逾淨山高氣自深塵難窺一室霜足掃千林得
月聊舒嘯無絃亦寫心癡毫藏曲折相對起蕭森

移次金魚池館和犀米韻

高窗借對松壇月一片蒼葭少四隣共判羈愁忘主客
獨憐衰痼失君臣新搢土榻寒迎蚤閒掃茶壚醉許親
到處盡多身外夢不須牽憶幾絲尊

湯興

昨日行歌古苑塘秋池落葉俯晴光塵高那礙雲鴻跡
人老應羞裘馬場九月風煙侵客館五更雷雨洗新霜
復貪朝霽還當出何處黃花不憶鄉

時霜降前一日雷雨

九日獨坐對月

此地風高滿眼秋獨穿塵表看神州月真有恨難離魄
霜漸無情欲上頭破帽豈能忘酒趣斷鴻應足亂鄉愁
孤心一室行藏在吹遍天涯不倚樓

窮漢市吟

正陽門外晚市也

日昃聊爲窮市行窮途人不諱窮名收殘敝履看塵跡
擁數綈袍聽賣聲珠玉難謀升斗外錐刀空逐歲時更

此中誰識魚龍氣撼撼風悲車馬鳴

題千巖對語圖呈屢水

比年吟嘯得追隨愧我原同木石癡心向雲山閒處澹
筆趨天地自然奇對看夷險空陳跡共託高深有遠思
那尋嘗圖畫意千峯不語兩人知

邱次作紙帳題曰蜨繭

作繭藏身且過寒此中天地白湯湯如從雪窖支丹竈
好結雲窩挂玉棺紅日三更迴午夢黃塵千里卷狂瀾
圖南當日真消息莫向莊生化後看

贈公誠

清潁距橫江。千里一襟帶。曩冊緬先賢。學者見嵩泰。回首十年前。詩歌挹芳藹。尺鯉遙相招。偃仰風雨會。騎驢上燕市。滿面積蒼蓋。相見執我手。相慰舊顛沛。朱紘有至音。鼓吹含萬籟。詩法兼畫理。江河肆淘汰。堂階何爽朗。膏馥任沾丐。所欽在芝蘭。而不遠蒿艾。當代領持衡。方攬天下氣。素心若激淵。何處不汪濊。霜霄照蓬桑。雲霞集軒蓋。高騫風雅林。千秋足圖繪。突兀蒼秀姿。如對靈壇檜。頃篋間笙鏞。列綵何綷繅。聞有烏爪客。擲砂固伎儉。野人赧趨蹌。躊躕向門外。握衣不嫌後。晴窗更幽靄。洗硯當相從。差可隸旌旆。

贈阮亭

從來千古山東岱。爲岳長從來。千古水濟流。獨居上桑梓。溯聖源。金石無凡響。矯首望瑯琊。名賢邁今曩。遠足照竹素。近足厲標榜。手把漁洋詩。十年對朝爽。一篇再三讀。寸心具儀像。天馬凌雲衢。所過絕榛莽。嘗嘆生同時。吾道得歸往。憶從旌蓋下。邢江度輕槳。側身多畏慚。逡巡向函丈。苦吟喫殘墨。狼藉濫推獎。比年行就食。燕雲溷塵鞅。儀曹仰清肅。絕域就模倣。造席未前申。折柬愧先枉。入門攬鵲衣。攜手曳仙鞚。書琴娛東軒。琳瑯振西幌。詩歌愛窮士。肝膈尊吾黨。孤懷幸不孤。兩間竟無

兩閒容叅屨來門庭嘆高廣

贈繹堂

雲間裏父執於今三十年千秋四海人孰如陳夏賢

謂臥

子彝仲兩先生也

將老見君子乃在梁與燕天人若江都斯世

疇比肩晚從白奪老此老嘗顛連古狂傲固無匹感獨

深寸田自我來此地閉目惟鼾眠一卷鈞臺詩足辟氛

塵天既始知素友求羊良周旋

時眉方子山皆晨夕

我欲廁其間

敢云相後先喜獲侍視側鳳閣天門邊伯施與登善筆

勢何天然主人有大榼

謂犀水

縞紵愈纏綿昨夜踞大牀

灑翰翔雲煙天馬及枯榼突兀恣騰騫坐臥在其下几

案生澄鮮戲鴻追寶晉具美乃兼全平原作擘窠五字

龍斷鑄生平慙臨池鹵莽惡足傳披豁不狂吟何以致

卷卷

贈周量

兩年慕音旨相聞不相見此興彌無窮今古一綵繾北

斗挂南海寧日邁時彥當日蓮鬢閣

謂黎美周先生

大雅扇芳

甸江海貫潮汐世好夙稱善天風駕海濤異產照赤縣

裁縫雲霧手彩筆致清宴東臯有逸老

巢民先生

每每對遙

羨跡遠心自近萬里意立徧避俗在師古心同無異面

君詩嘗竊誦會心輒掩卷聞向邸舍閒日著方城傳乞

書嘗滿戶急通但黃絹嬾病亦時作藥物尚宜戀近始
小憑軾依然謝游譏我欲刷刺毛思一窺秘撰行行故
且止與君復加膳良襄逼寒宵霜月映冰硯所思窮入
表風雲感時變求及去形骸當如金百鍊

燕市辭

楊柳青青向玉河春鞭處處打陀螺客來也買空鐘放

又聽兒童枝枝歌

陀螺平頭木轉珠也卓地則鞭之其轉彌疾空鐘剝木中空繩繞其柄而

擊之卓地作蟋蟀聲枝枝乃二寸許木如橄欖形以棒擊地一激而起即更擊而遠之傳為擊壤之遺

初聞貢使自荷蘭焦齒泉闕盡擁觀八百里牛千里馬

騎從海子試來看

荷蘭自古未入中國近始頻貢方物

報道秦州賈黑霜田苗兼被黑蟲傷江南米賤催科急

寧願災荒不捕蝗

黑霜從未有也江淮間蝗盛而米賤民尤苦之

響聞河邊金鼓繁爭看象隊卷溽溼應知海外蛟龍沒

田得人間猛獸尊

三伏日觀洗象于宣武門外凡七十頭中一折齒老象猶舊禁中物餘

皆得之南交者

夏日開冰冰裏綿雙銅小盃夏冰錢炎熇冷飲交相逼

一著金鍼總不堅

冰喜煥始不消賣冰者呼以銅盃以鍼剖之大小多少適如其直

寸金喜佛烏斯藏任據新蔬養哈麻牛髓吸來充小食

人顛剗取注漿茶

範金作男女狎抱形命曰喜佛出烏斯藏燕中名剗未有無哈嘛者

小小輕匏細細雕莎雞籠取亂鳴腰秋聲最是邊關切

莫信吟蟲訴寂寥

俗呼為叫蚌蝻南則籠而縣之北則無貴賤佩之腰間唧唧然也

弄罷烏沙促織盆又裁錦袋把鶻鶻官場盡鳥皆蠻觸

笑殺旁觀壁上人

養國鶻者先以手把之飼以粟久則馴且鳴始燭以鏡一見其影即欲捉

者可登場矣養促織者有師昔好事者所著有促織經

曾看藥肆雙頭麻又進暹羅六足龜天地好奇生物異

自今顛倒看鬢眉

羣狐娶婦借官廬怪在能通滿漢書不道使君真白領

却教魍魎與同居

時都中多狐并有與一酷吏相侮者或滿字

銀鼠金貂踞寶鞍難飛灑皆毛二

那數龍鍾老漢官

亂向階前攤貝石爭從地上走雙丸兒嬉尚是金元

鼻凹塵沙洗不殘

燕兒擲羊膝骨為戲命日貝石又就地蹴二石丸游惰爭相角勝不已

題画

岸脅誰藏蟹舍幽一竿詩思兩峯秋硯田心境閒開闢

木落江空自在流

萬仞孤筇自不羣滄波斜盪晚江曠峰高擁足看縈繞

莫道無心是白雲

題画贈阮亭

石髓松肪自不貧此中應是遂巢人一風捲起雲千尺

可似蒼皇九陌塵

渴筆猶堪掃硯塵寫成幽獨許誰鄰
倦來夢入新詩冷
飛落寒泉滿釣縉

步月燕市

得月能消滿市塵春從今夕始知春何煩
束縛愁官長
不若狺狂作酒人夜靜天橋流水咽
醉吟孤館客裏真
悲來獨與荆高異自古浮雲未可親

題畫贈白奔山人

松能無恙自堪圖泉石依然尚不孤
莫上夕陽亭外望
已知天地久榛蕪

與率庵對飲和韻

從今欲作醉鄉人土木形骸果任真
車馬那通塵外意
壺觴須得此中春交期白首方成淡
累到黃金始羨貧
惟有譚諧能却老悲歌入市總堪嗔

送謝鳴玉歸長沙

近歎悲歌羨趙希獨爲長嘯送君歸
祝融峯外冥鴻冷
屈子江頭芳草肥買犢開荒思寢跡
傲貂仗策早知幾
何當岳麓閒相訪三戶人家莫掩扉

題畫

懶將蠟展倩人修且倚晴窗作臥遊
天地有心貪筆墨
雲山隨手自春秋奇來欲使攀躋絕
狂到難教塊磊收

獨愛元龍豪不減仰看百尺古風流

戊申三月十八日偕犀水率庵游西山過皇姑寺

抵玉家庵余獨跋龍堂登翠微山頂瞰寶珠洞

下宿誰主亭二首

山近塵將遠林疎客自親神尸存諫骨闍冢盡荒燐別

岫知何處孤亭卽主人空牀橫大被幽夢託殘春正統親征

也先有陝西呂巳迎駕諫阻上怒叱武士交捶巳遂
跌坐逝蒙塵北營及返南宮上恒若見巳與語復辟
後封皇姑建寺曰順天保明寺奉姑肉身祀之像甚
古異跌坐愁容一老媪也寺壁繪巳巳北征之圖
西山無麓不墟墓無寺
不中璫侈濫可謂極矣

爲看龍堂水舉衣上翠微僧廬多石瓦佛窟冷苔扉

瀾滕花淡泉炊玉米肥漫期休夏好過眼恐成非供御之米

以玉泉爲上山居覆
屋青石片鱗鱗可愛

十九日北迤至香山就來青軒宿四望凄然不能

樂也

一過杏子口春靄舞山香翠剝殘松氣青餘蔓艸芳恩

靡中帑盡風咽佛燈涼不欲凭闌望寧無展齒傷

四顧不勝情悲哉一老生花媽松院色鐘亂石泉聲筆

濺新詩淚軒畱御墨精陵園春盡去何處見長城來青軒額

爲神廟御書寺始金大定故有稚川井章宗之臺與
松今則井湮臺失松亡蓋刑餘爭營其窳而廢之耳
昔世庶亦嘗幸此稱西山一帶香山獨
有翠色山近童矣悼往傷來黯然而極

餘生詩藁卷三

歷陽鷹阿山樵戴本孝



將入太華率庵贈以詩犀水和之依韻奉會

天地亦終窮志願安可畢寸心營四海孤影對一室執
鞭坐後車駑劣愧無匹三人猶一身三年猶一日采采
將離枝悲吟動成帙太華豈不高孤雲為誰密玉女乘
蒼龍幽裏庶可述垂足五千仞飲水何飶但懼俗綠
在紛拏嘗百出驚身若流電汨汨徒漆漆揮手且獨往
終始脊毋失

出都二日至保定

三日行來一劔孤故人應悔贈文無柳條沙漬樊輿郡
麥秀風搖督亢圖艸笠欲簷謀野婦竹鞭結穗待征夫
夕陽影外峯無數不斷愁生酒漫沽

安肅邨婦言最善土人言

日鞭穗

慶都道中

泥溝乳鴨樹巢鶯攏麥迎秋半雨晴馬土夢回間倦眼
忽疑南陌是江城
陰濃愛種青楊樹野艷多穿赤練裙水飯賞門火酒賣
呼人薄醉倚斜曛

古道荒涼野店稀土床燈炮瓦盆低
居人漸覺田桑好

一聽線車厭鼓鼙

定州道中

碧樹煙生曉日開城衝一堦白皚皚文鴛共對沙灘坐
牧馬羣嘶水艸來楊柳陰隨官道轉堦亭高瞰女墻隈
漢家當日中山國何處風傳四角哀

真定道中

恒水恒山送客遊曉風曉月迥如秋岡連龍尾分沙磧
阪望羊腸隔遠州坐麥綠陰邨市合行當赤日午
騷人更在三峯上明月清風逐馬頭

清風明月馬頭皆土名

井陘道中

徑斷關連煙樹梢人家歷落散林坳土因性直堪穿石就形方好疊巢山棗花開香纂纂野鷺雛出語交六道人最愛翻秋瀑那得閒看舞翠蛟

過固關有翠蛟潭

黑沙嶺

曉度黑沙嶺天風盪日黃破山崖易墮荒礪水難嘗飢裏蔥鬢餅辛春蒜卵漿南人甘北食身外路茫茫

迂道太原造訪黑松莊傳青主不遇氈雨返邸次

悵然賦此却寄

遲登太舉見先生仰歎人宗是岳精千里黑松虛入夢一鞍白雨冷相迎空庭日永惟聞鶴唳聲風高不戀鴛

却笑元卿猶好事未應開徑欲逃名

贈傅壽毛

老父嘗教我曳車聞君力養更何如此風四海於今少他日千秋卽古初想見軒農惟藥石別開天地有詩書五千仞上應相憶滿眼浮雲信手鋤

時壽毛在藥肆

介山道中

昨傍林宗祠墓宿崎嶇竟夢倍夷猶河汾曲折桑平峪麻麥高低綿上正過虎嘗偷却犬醉荒雞慣動旅人愁但看陵谷浮雲外殘壘猶支古索州

靈石道中

天地依蓬轉英雄浪跡多
堡危斜卓嶺山裂直奔河窟
宅同猿鳥耕芸半馬羸
不知還幾折方得了前坡

霍邑道中

手招霍岳翠堪攀
滿野流泉更不閒
搗練女來羣坐水
吟鞭客自喜看山
高原疎影桑條外
小閣濃陰柿葉間
我欲乞漿消午渴
誰家饁婦荷簞還

過洪洞劉子方遲飲三日

桑枝麥穗碧煙籠
樂在琴樽自不同
家學由來稱漢聖
國音端只愛唐風
特穿恒霍閒相過
便禮華嵩路可通
更愛山鶯能喚客
酒瓢應爲故人雄

於洪洞署中遇顧當如相與道故喜慰平生並呈

子方

當如梁谿顧先生果遺孤也

春申礪外家
公客豫讓橋邊國士風
兩世同襄車過痛
百年孤憤劔歌雄
天涯勿復悲游子
地下真堪慰乃翁
當向孝標齊下拜
古人今日許誰同

信宿洪洞泗洲院卽事將別示弟子韓撰

玉露瓶開杏酪香
接羅許客挂經幢
新詩吟罷人爭寫
逸事傳聞我喜商
野媪願來炊麥飯
僧雛亦學搗衣裳
青鞵明日騎驢別
惆悵仙君白雀鄉

玉露洪洞酒名縣東蜀邨有韓仙君

廟廟中嘗有丹爐化白雀飛去弟子撰其苗裔也

西岳廟

騎驢我自入關來仰見金天樓觀開
歎李靖書真落拓想高皇夢果崔嵬
恠柯指是青牛柏斷跗封殘白帝臺
臥看碧蓮秋氣冷忽驚飛瀑挾晴雷

贈王山史

一心未上蒼龍嶺千里先過獨崔亭
嘗為遠人陳艸榻聞鈔近日注山經
林陰深可侵衣綠峯色高堪逼眼青
試向攀山門外望白虹嘗自起巖扃

山史家攀山下獨崔亭其著書處也

贈王伯佐

山史子

招余仙掌遠褰裳壯在關河一州堂
掣筆自來稱大令

縣車應祗命元方婆娑古柏翻清露
惆悵征衫對夕陽太舉雲尊連少舉
一時舒卷見行藏

為二弟無忝作千尺峽百尺峽雲雪圖

天半鈎梯下算場蟻緣猿掛響郎當
羊公榻在明星上毛女琴彈北斗傍
何處雪來封箭筈一時雲出滿車箱
此中神藥尋嘗有無限真源白玉漿

畫峯山襍詩

金天白帝誰堪問玉女蒼龍那得馴
何事巨靈推不動蓮花一半掌痕新

白鹿龕前雪滿坪山菘亭上月吹笙
仙人嬾睡惟爭博

猶笑希夷浪得名
古峽雲蘿晚翠深
軒聲長在動幽尋
高風何處傳遺響
石室空橫一素琴

玉女擎來司寇冠
冠頭益曉日洗團團
古今晝夜爭呼吸
搔首青天問不完

鶴冠客忽乘雲至
應是當時衛叔卿
叱子不須臣漢帝
金天最忌是窮兵

帝座三漿倒玉壺
蒼龍白鳳舞雲衢
問緣何事三青鳥
毛女琴挑古丈夫

手摘蓮花探海日
好垂雙足弄黃河
不知張楷輕相妬

霧却蒼茫一半多

讓極高峰呼孝子
尊奇古樹號將軍
鐵樓仙局誰爭勝
無限雲雷晝不分

白雲峰外翠崖偏
擦耳嘗過日月邊
不是仙人前路狹
早騎龍脊弄秋蓮

誰叱青牛試一犁
白雲溝破石天梯
從無虎豹窺閭闔
祇有猿猴讓路蹊

我愛王遙刁自然
三峯峯外古青天
五舌竹簧閒一鼓
不經開闢好安眠

舉頂星辰大復低
狎狂竹杖舞東西
二十八宿潭中水

吸取金莖吐玉霓

迨谷雪夜感吟示兒輩時將游歷下二首

幾年不見故山雪倍覺蕭條老眼明峯色高寒塵跡斷
書聲淒切夜堂清荒邨未足謀深醉孤夢依然逐遠征
觸額簷冰長幾尺霜橫月落影熒熒

一家共對寒宵語四壁閒圍松火明那見田園皆世業
但求兄弟慰平生漫言守拙非長策惟有安貧是遠程
多愧病軀疎懶慣不堪力作廢躬耕

歷下趵突泉用松雪原韻

曾見名泉似此無誰翻沆瀣忽傾壺乳花爭激頰波立

幽翠不教寒藻枯同託冰心能貫石沸分鼎足欲穿湖
相攜無限探源興春近旗槍槐莫孤

至歷下五日卽除夕偕同人卽事

南客事東游蔥蔥歲序流良朋耽善酒靜夜引清謳
艸銀花爛辛盤玉繭收他鄉惟我輩天海任沈浮
豪氣何能減羈縻且易酣青衣供陸博綵勝籠雙柑燈
火親茶盃湖山老硯畱可憐今夕夢前路果誰諳

濟南雜興

跋盡關河興未窮脂車破臘大行東客逢華不注邊雪
官尚醫無間外風攤火開又嘗獵味貯泉分漏較詩筒

腐儒那是乾坤意今古春風恐不同

客夜春寒四壁孤七橋風月可憐殊東關胡餅西關酒

春日羣山夏日湖白雪樓荒人既去朱雲墓冷煙全無

千秋樵客空多事誰信明堂制作圖七橋風月見南豐先生句中東關句

齊諺語也朱雲墓相傳有指佞草公玉帶歷山老樵也嘗獻漢武帝明堂圖

旅舍笙歌雪滿筵新詩今欲借誰傳東人杼軸供山簡

北渚煙花試火鞭窰綠市多乾榨酒新黃官送啟爐錢

雖逢寂莫閒消得李杜風流倍惘然青齊椿椒蘭菊天下所無今則

徵索無善製矣元夕火繖火鞭競相侈尚皆以奇正者為良乾榨齊市酒各時濟南錢局遵新式

冷代山間多水氣寒天城七十二泉瀾碧筒擬向爐邊

紅袖爭從馬上看扁鵲山前修禊早爽鳩墟裏踏燈殘

紛紛交錯風如此漱玉休輕李易安

聞韶館外咽東風安得狂歌路不窮市廢空知傳晏子

邨湮無處訪終童玉壺有意穿金線石佛何緣助鐵公

欲學酒民還謾罵可憐千古為誰雄濟乘有晏嬰市終軍邨玉壺金線皆

泉名也大佛山琵琶洞石佛像相傳唐貞觀間作端難兵至濟南鐵公鉉捍禦甚力有羣僧助戰北追之遂入洞中始知其為石佛也永樂中令碎其首身猶僅存

清江浦潛庵牡丹

淮浦春歸客興孤僧窗花夢老藤蕪香媽更欲催鶯乳

風雨頻來嫁鼠姑

初夏坐潛庵卽山居却贈

水寺枕煙正花龕小結幽香光閒繞座帆影暗窺樓約
買茶銷夏還看麥壘秋軍持含墨瀋飛灑動縣湫

普應寺病中野望

野艸將藏寺在澗欲撼城木魚隨夢破檣燕逐潮生藥
臼愁難穩心旌苦未平誰能牽百丈還作汎湖行

西寮靜坐和犀水

小松支瘦影空院傲長林盡日跌花坐兩人行藥吟閒
窺魚鳥性嘯弄水雲陰我比僧尤寂忘機無可尋

浦上逢柳老說事

碧眼蒼顏客吹簫擊筑人極慕千古態且玩百年春舌
狂空言夢家貧轉任眞爲君更拂座花鳥亦爭新

空山疾中感衷

老大憂深嬾理疴天時人事付蹉跎歲差分閏頻難定
稅額征關且易苛夏作秋寒未麥困淮侵海氣雨風多
他鄉藥椀空狼藉昨夜還家夢若何

復用西洋曆法改
巳酉閏十二月閏

庚戌
二月

真題画

灑灑鳴泉助苦吟風高木落釣牀陰不知多少閒巖叟
影入虛堂無處尋

西寮送日

引疾聊閒客因僧亦可家魚浮苔甕水蝸篆石窗花藥
裏晴登簾香燼寂映紗不堪身世夢虛擲更如麻

迢迢谷東外

今年又好種胡麻何事迢迢不在家終日庭前看老樹
將雛只愛數歸鴉

公路浦倉內

空山每歲失禾麻賴爾將雛不問家一片孤雲淮海畔
莫將老鶴比慈鴉

雨中卽事遣懷

破寺休長夏陰蒸失節和雷過鷓鴣吻去雨載鬼車遺
病惟增老僧貪自苦魔悲來多變調久不向人歌

遣悶用杜韻

六月生寒雨孤幃濺夜房陰黴侵及枕昏朏隱依檣礎
汗應蒸暑簷湫競矯涼淫竦橫蝕暈驚雷亂流苾灌堰
將防潰崩隄更恐長夢難安薤簞怨未理荷裳老至方
知悔時危不敢狂碁殘猶戀局穎盡始羞囊貪叡枯填
髓邪氛伏隱瘡拊心誰易轍塗面好當場寧不鬣毛白
空懷雲樹蒼煩寃終莫理茶蓼豈能忘

冒三書若過淮浦寺邸賦答原韻二首

淮濫湖難汎離憂煙夢深雙魚逃斷岸羈鶴叫空林此地一攜手新詩能見心浮雲橫四海自古已如今

別爾真難別逢人久畏逢矢音惟伐木託命在飄蓬飾行敢求異虛名慙苟同須知矧繳意原爲愛雲鴻

送鍾公賦假歸出都將遊歷下

天下名山指可數天下名賢目難覩平生知己老未得
榮榮五苦心獨苦潁川先生抱奇氣落筆不作人間字
與我跡疎神益親此道於古得深意去年送我游太室
把君詩與蒼龍挈明星玉女亦招手今日金門誰可家
我前驅車過歷下白雪樓荒隨物化回頭又到宣武門

滿眼黃塵白日夜造君米市叩邱門掛我接離開東軒
借書日鈔日不暇中宵數起還數翻有時樽罍間笙簫
有時香茗靜簾幙灑翰輒堪驚矯矯拔劍猶能鳴霍霍
救時學道總同歸去畱顯晦惟知幾門前車馬忽無跡
塵外雲山寧有違錦帽貂裘學年少且出郊原一清嘯
君不見東巡已過狐兔驕正好鳴弦看野燒丈夫慣作
別離顏只把覓消當等閒不得相從勿復道覓飛先已
遍鄉山

蕪市解羊裘送冒二毅梁從鍾公賦東游放歌

老夫忍寒不忍羞乞錢賤買三尺黃羊裘蒼毛淺作枯

艸色素縫碎纈水紋柔表以蘭河斜理之毳布扣以增
兒倭鉛之交彊故人笑我忽然事邊幅聊復爾爾非免
俗貧賤苟肆志受凍死亦足天馬銀鼠合力孫服之不
哀召災辱東臯冒一呼我兄天涯落拓猶同生明日依
劉歷亭去朔風貫背難爲情燕市殘冬買那得齊郊貴
客偏偕行左提裘領右挈袖曳之上馬風悲鳴勸爾春
鑪欲醉不須解憶我結鷓計爾之孤征吁嗟乎孰問賤
者之裘胡不輕

寄題上谷槐龍署中十二詠

延岫幌

遙榭載煙開深林挾雨過簾卷自悠然羣峯爭入座

飛葭室

如養伏火砂如衷辟寒犀晏坐沐陽阿朔風不敢嘶

葺釣窗

千仞足垂綸高風自不墜南窗靜擁裘出處得深意

高春廡

凝睇向夕陽連蠶接蒼紫美人望不來畱以待高士

種藥坡

疊石自爲坡秋芳族苔壤蟋蟀新依人幽罅作寒響

讀花嶼

屹然立花間把卷聽花語
肘石如登林杜二實狂侶
衰英慢

塞花不柰寒陶令空欲醉
籬下履亭張來往更幽媚
嘯雲寮

金石夏花叢鷓雛舞翠幙
老愛近聲歌風流靖遠漠
振蟬龕

雖有等身書不作雕蟲好
過庭收賦艸金薤動盈抱
濯龍墀

兔耳奮龍爪童童若車蓋
時聞風雨聲滿階下飛瀨
織楚簾

曲折引徑踪深淺護花影
對此憶山邨蒼苔白日靜

倚劍臺

長劔焰入荒老眼橫四極
龍挈一古柯頰仰向臺側
迨谷艸堂初成漫賦

谷口風高聲更悲茅堂初葺
漫愁吹且收樹色分池影
好納煙光下月帷迎澗圃嫌
山廉犯當峰窗許石叟窺
春來積雪封樵徑如此門墻
肯寄誰

石叟西顧
巖峯名

贈鐵上人二首

此中奇服是袈裟赤手拏雲
握木蛇自擁香光惟晏坐
如斯風調讓誰家深畱一片
寒松影冷對孤燈靜夜花

應是吾家前慧命頻來酬向交陽斜

白雲端足老相依不隔千峰自在飛撥火許分黃獸美

尋巖拈示紫團肥邨離文字書難借椹結因緣鳥易歸

嘗見到門求拜者打頭霜果露先機

上人云予迨谷產有紫團棖

題画

二徑歸來下溪邊東林山色近西田悠然獨酌空簷下
知是無懷與葛天

此中人自古來醒賸有乾坤一艸亭欲抱雲和弄飛瀑
一風吹與萬山聽

有弦絕不向人彈彈向無人天地寬茅屋陰崖誰可到

隔江漁笛落驚湍

不從筆墨見荆關一杖先遊五岳還辨得此中真意在

別無六法寫真山

辛亥除夕感衰

雨欲洗殘歲愁偏助老寒人皆餘菜色我已廢椒盤野

豆連泥掃山花掘石餐青青土眼麥帶淚忍飢看

是歲自五

月不雨至于冬十月飢人相籍于道江洲忽產穠豆
可食山民掘山花根賴以獲全者衆山花蘿蔔生石
罅根苗皆可啖醃菹搗屑供飢給
炊生熟咸宜然本艸未嘗載也

和二弟無忝學香山鏡換盃原韻

一生未對開顏鏡萬事何如在手卮勲業看辭年少日

壺觴期共歲寒時見人濡首愁難遣得我忘形春不遲
竹葉自今還有分聖賢皆可露須眉

王子迢谷除夕追述是冬苦懷感賦二十首寄城中無忝河邨有懷兩弟和之並示諸子

在家翻易老須髣一時斑海岳終藏跡冰霜早鑄顏虛
堂忘歲駛幽艸避春還不盡悠然意看山自画山子自燕歸

不一月枯
髣盡白

画山那可賣更歎酒錢慳冰蠹寧無種盧臬却改顏獨

憐幽賞意誰省臥遊閒多謝繁夸子吾將老閉關十月招余

入城賣画感觸
所見不覺惘然

閉關深谷裏差可遠塵蹤醉虎頻攤艸驚鼯或挂松月

堪扶夜未雪礙理朝筇遮莫惟長嘆義農早未逢迢谷比歲

虎過前此
未有也

逢人多可畏弃世少堪論不若吾同父居然子有孫賣

文兼賣藥開徑且開樽邈邈西河水綿綿北部邨每過无忝

城中藥肆
輒有同慨

邨委荒葭外飄零未忍旋亂多弓劍失凋謝井廬遷宗

法今誰講農書嬾莫傳罪予羞負荷矯首望來賢去河邨祖

居近十餘年
未忍復也

賢賴苗湖弟家聲鼎足扛鷹阿笏山苗湖時家稱鼎足云錫名由白下

賜畝守黃雙苗湖小字曰白以生地命名也黃雙子為

予始祖欽賜田名世耕三百餘年猶存以

供祭亂日依為命終天痛頌江苗湖父繩夫君以省母

祀茗雪間壘篴長迭奏幽咽滿寒窗沈江死遂依伯父避亂

窗列羣峰影諸兒侍解經高曾聞奪席伯仲想過庭家

學尊師說奇懷惜壯齡竭來驚歲暮痛飲不須醒是歲苗湖

授子姪經醒更難開眼憂偏好洗心弟兄空對老貧病亟相尋外

藥苦無用痴人知未深廿年觀道趣扶枕一沉吟无忝近耽

病忽劇且不肯藥吟斷寒啼雁聲聲徹曉更一身經萬死五岳抵孤行顛

倒鶴原在逍遙霍夢清鼻縣雙玉箸攜手笑無生无忝夜病

中具述生平生死莫虛過呻吟柰苦何有身原大患無恙即天和學

力今方驗真情我豈過但能知病病此義問維摩无忝病幾

始申此勉之摩爾渾疑蛻驚予乍失聲黃金多未就碧血已先傾聊

飭桐棺襚拚殘丹鼎英一駒方在祿凌曉輒悲鳴無忝夙嗜

銀近下異血數斗期就木矣時乳姪席星極善啼嘯悲鳴想天意玉汝向洪鑪強藥呼兒跪余命大兒鉞星

毛薰却婢扶析肝先出淖洗髓得全蘇學道何妨病誰

身是故吾時有譏无恣以好道術故善獲病者

吾復愁何在寒城爾覺春小鮮初試味薄寐始怡神客

慰先稱喜僮癡且莫嗔開軒扶四望翻觸意多新病決五句

始漸就眠食歲迫余將還山

新愛梅花早山窗遲我看借驢穿雪礪射雉起煙巒學

語孫迎笑余長孫名日麥孫與姪庸星同歲先九閏月生于迨谷窺人鳥自歡焚

香告木主今夕夢纔安

安眠慵早起榻枯火何奢煮雪將澆酒裁詩好換花有

供瓶梅三生人我友余守硯庵奉有光孝慧蘭禪師及張三丰真人遺像四壁一

誰家不覺披衣坐吟殘晚樹鴉

鴉亂將仍雪樵歸趁遠河得錢徒了酒勿藥喜痊疴春

淺催殘臘山深結古窩外人無足道吾意竟如何是冬初令

季兒權星課樵向赤石埠賣之

何處能逃歲山家也自忙磔雞塗社鼓泛蟻壓糟牀瓊

笠田兒索道花野姬妝賣薪消夙負爭訴去年荒

荒政今難問農傷歲自侵石田宜稿木塵甌愜幽琴糠

火金圍粟簷冰玉亂簪莫言非富貴誰信此高深山爐深煨

穀糠謂日金粟火可經旬不散

深愛阿咸小椒盤近醉盤昨隨豐雪降今淡曉春寒披

褐斑盈袖提戈綵列冠何當同守歲爾輩盡承歡席星以昨

除夕前四日生適余在城喜雪今交
輝期復大雪令鉞星冒寒入部省之

歡多能卻老病失不嫌貧貧免歲同送老慙花比新受
閒知病益因苦得歡真遙共屠蘇醉山盤且薦辛

餘生詩藁卷四

歷陽鷹阿山樵戴本孝

和友人霜月蘆花原韻



秋老江皋曉夜時蒼茫一片影迷離明欺雲冷吹難散
淡歷煙殘亂欲披漁夢滄波寒自擁雁驚沙磧下還疑
盈盈青女橫陳在兩岸紛紛雪未知

山寺喜雨夜坐示從弟有襄

却笑雲飛倦自還濃陰隨綠響潺潺一時縣浦將移壑
四面奔雷欲破山野鳥驚啼如鬼嘯幽蟲細語勸僧閒
相期莫負深林約多少炎氛此夜刪

勸五兒權星力田作

樵路蒙茸縱復橫墓田雖瘠勸兒耕兔驚朝隴冒罌脫
蟲襍秋場礧碌鳴藉藁應知憐老特抱經期莫負寒
傳家祖德惟忠厚何羨虛名白首成

山堂閒適

石泉秋露淨茶盃月窗香桂嫩花猶淡蘿深帶白長家
閒嘗望客穫畢且修倉昨喜牛醫過醅顏照夕陽

贈陳季箴

豈有陳無已於今尚不寒奇文當世賤勵志古人看
母羞將伯親師悔近官蕭然環堵意不在擇居蟠

入城輒疾作亟還山堂感吟自慰二首

老借病相警形枯心自安高蟬連樹響別燕戀巢乾靜
覺秋且獨深憐月未闌平生無所畏祇是見人難

強我入城市不知何所求驢飢嫌艸惡僮野見官羞藥
力心相得人情道不侔歸來空一嘯濯影小池秋

疾俗自爲病翻嫌老未除愧緣懷道淺敢爾怨交疎田
雀應殘稻衣魚慣穴書從來天地大無物不同居

迢迢谷中秋對月兼寄無忝有懷兩弟

山月過來早庭梧不敢闌似憐衰眼望眞足野人歡河
漢邈無跡露華清吐寒遙同兄弟醉多恨別離看

焚香掃石案禮月女孫嬌杯醞浮金桂盤蔬剪玉茗滿
輪寒漾叙虛室淡忘宵四奏蟲音合空山那寂寥

我欲薦明水山妻奉瓦盆丸生長對面來往欲招竟照

海通魚路籠關敞雁門清虛如可上顯晦復何論

魚多歸海去
聞老漁恒云

蒼鷹行

初來萬里秋空上忽刷霜林一聲響錦衣公子氣軒騰
亟招網戶收蒼鷹先飭條鈴待鷹至幾人輪臂怕鷹
磔雞搏鴿看食生要惹鷹饒血貫睛昨日試擊出亦
馬調鷹鍊誰不愛勁羽亦雉隨馬嘶老拳搏兔如兒啼

公子得意忘寢食但嗜雉羹與兔炙殷勤攜客勸客嘗
誰家養鷹不背颺須知鷲性最難御莫遣春來脫鞵去

猛虎行

山荒艸深過人頭猛虎乳子嘗來遊東邨田家鐵毛牯
長角擔矛能鬪虎竦腰奮爪虎尾雄欬額厲角牛眼紅
虎涎噴竭牛力壯窘虎坐陷泥沙漾年少邨氓貪虎皮
更騎大牯思搏之虎忽據地前一躍輕攫少年貫肩膊
猛虎何嘗慣食人貪夫狎虎忘其身虎威雖猛勢可避
人面雖同心則異勸君莫畏深山猛虎咆且號但畏相
逢對面平時交

甲寅年五日迢迢谷中大雪三日

陰崖一丈雪枯樹幾人家醉戀春嬌醞寒欺梅蚤花飢
迷幽澗鹿僵護落巢鴉却笑焦先臥凌峯屐齒斜
茅堂森若曙危坐獨支頤絕叡封丹竈遙峯寫白眉開
眸方喜淨綴髻蚤驚衰正好埋幽蹟巖屏敢莫窺

人日大兒鉞星戲作雪假山却賦

五子耐寒趣當庭弄雪山芙蓉擎悸指瓊玖報屏顏慨
想巨霸意空吟謝女嫺白頭增壯感如夢玉門關

靜坐馬鞞寺深林中題石上

可惜深林意香光總不猜無心隨石坐到眼得花開雲

凌綠天過鳥窺青嶂回外人如足道應記此莓苔

感興

今年幽夢最關情數盡春惟十日晴陰沴何煩推日者
陽狂久已笑書生山中雲氣空多變天外江聲大不平
昨夜花開聞謝豹可憐端復爲誰鳴

竹籜松苗翠更加雲崖乳窟迴難遮春歸鳥語如呼酒
雨過僧閒好試茶寺徑爭尋無患子家庭且種合歡花
不知天作誰家夢吹起昆明池上笳

終日鈔書老閉門長林掃石坐諸昆莫言人事關天象
且插花觚對酒樽苑說齊梁穿廢礪城經楚漢幾荒邨

山翁自喜閒難得抱犢歸來又抱孫
一時婚嫁苦相催共道兵氛江上來
穀賤頻年農困久軍興此日國殤哀
儲艘沒見波臣虐戰馬驅徵長吏才
三十年中經再見江南到處已荒臺
江海烽連水氣蒸淫霖月月苦相憎
憂天早卜龍蛇起率野先殘兕虎能
衰齒搖如崩岸檝孤心耿若曉窗燈
瘡痍初痛誰知恤羽檄蠶飛戒緩徵
雖是全家三十口無非托命百千愁
清虛未便爲高士竄伏何堪免下流
兄弟文章期後世祖宗勲業薄通侯
吾衰那足填溝壑昨夢依然遍九州

終夏南風甚競旱勢可憂復聞江警作此自解兼示知己

我欲訟風伯吹枯大地心兵凶相枕藉安飽自招尋徒
惻農功病誰知天意深昨瞻雲漢決莫恐陸將沈

憎蠅觸賦

爲爾多成家國憂一生白璧敢誰投可憐弔客何來日
正是讒人得志秋亦亂飛揚徒養穢氣難驅逐總亾羞
筆端亦憤頻驚擲千里休誇驥尾遊

立秋乍寒旱勢益棘

老更長飢自可羞窮因短策復何尤
登山四望騎秋雨

伏枕孤吟緩夜愁今日天高休問歲誰家年少好封侯
忽驚寒暑全無序朝葛嫌多暮欲裘

新秋細雨連日不覺喜慰成吟

天心至此不能安赤子如同沸釜看秋氣潛臨分細雨
山顏頓改作輕寒素流漸喜豁縈帶翠靄猶垂峯欲冠
三十年來真槁木金莖寧復望傾盤

和二弟無忝新蟬韻

高響越林表驚聽變此蟲化身離下壤仙蛻抱幽叢催
獲偏知早趨時太苦恩先秋音按節落日語懸空飛覺
爲形累鳴非尚口窮翠綉生自潔冰異鏤工似各

公嘯長乘列子風虛聲雖振俗世耀每戕躬戢羽甘衰
柳移商待爨桐且從沆瀣裏養寂雪霜中

和無忝新月二首

素莖西風露一枝夕陽惟恐使人思初生海內金先吐
漸長雲邊玉暗窺蟾兔潛催完璧會蛟龍吞恨破痕時
天公淬按吳鈞冷剔起龐眉細看誰

白眼偷開盼素顏銀船斜渡棧星灣鈞探兔腹初成魄
鏡掩蛾眉漫啟關向夕珠還猶自斂一年弓見幾回彎

天精好助斂輪轉斧影光搖仙桂間

瑞應書云景星謂
之天精狀如半月

生于晦朔
助月爲明

戊申歲予自燕遊太華由拳顧生爲予寫小炤作
晏坐苦吟圖以送之今倏七年矣是歲生日對
鏡窺圖惘然自失因題其上向平之願盍忘之
乎

鬢旣霜艸枯面亦陰崖冷回首舊路行幽花媚寒影西
風病苦吟高蟬動相警掃石復合毫危冠爲誰整鳩鷲
驕界叢鸞鳳邁遙嶺頑朽老樹根靜對亦深省何必借
殘形而不造天境去去勿復言終當坐華井

聞客有言戴子家不貧者頷而謝之二首

生平絕世未言窮富數山家果不同夜合花翻銀鑿落

宵光樹發玉瓏璵蘿墻翡翠深鈿碧柰額珊瑚滿珞紅
南面草堂開萬卷瑤茅三脊貢樵通

玉瓏璵樹葉似棠
三四月中白花四

出繁密如雲淡香可愛土人名
爲宵光樹葉可當茗予山有之

久矣貧爲世所輕輕崇廉讓博貧名甌中塵老原難掃
部外田荒早廢耕詠愛陶家嘗自擬賦嫌揚子亦虛成
何來知己煩浮獎可識當年王仲卿

忽有馴鷺降于池邨兒擊折其翼養之庭前見其
意甚愴然感賦以慰之

聞客嘉名我素聞翩然相訪下斜曛孤飛淡影雲初墮
一中危機玉不分筠爪小猶工鶴步雪絲老不戲鷺羣

林栖水食難消受對爾春鋤羨鳥耘

戲作陰崖釣客圖輒題其上

學山至于山山面卽吾面昔從嵩華歸鴻濛破孤硯秋
裏邁霞表逃俗復奚戀一竿釣陰崖此客得先見不知
塵眼觀可能動欽羨

畫雲泉石隱壽二舅父七十

梁代松臺晉代泉半椽寄老守遺編安車不是蒙山志
松乳泉花自可傳

和陶有會而作

并序

甲寅迢迢谷獨罹災旱歲功全失力樵易米餐

艱時繼兼以江海烽連行旅跣躑居人隨願
對而已初冬雨浹麥甲始蘇屈指食新冬春未
艾况復戎馬不測哉慨念飢外事小道不終窮
嗟嗟小子庶知勉夫

吾生旣失理天命固恒飢形瘁何足云道詰焉得肥荒
谷獨無秋何暇寒謀衣近聞江海間流血心孔悲衰眼
穿落日原知苟活非瘡痍將復起飽食難相遺青青者
麥苗我老欲何歸小子且忍飢荷耒觀王師

甲寅舟中除夕時泊樅陽南岸

乾坤原是一孤舟今古從來祗載愁忙笑往回看旅雁

暗憐消長問沙洲安巢莫向檣烏借况宅聊同漁父遊
今夕石尤真解事江聲山色苦淹留

乙卯舟中元日

野岸栖栖問歲迴空江何處角頻催柑分估舶穿烽火
鮓供釣船索酒杯逐浪同眠分客夢一時孤嘯爲誰哀

從來擊楫成何用老眼中流醉嬾開

捕黃魚船謂之釣船

那利磯

磯有遜國時黃侍中觀遺蹟

江天骨立掃驚瀾危閣松如髮指冠太子名因隨俗著
侍中竟尚帶潮寒嶙峋煙鎖銅官冷杳靄帆飛鐵柱殘
影入篷窗閒洗硯圖成畱向掌中看

三月望日冒雨出歛治歲寒亭爲黃山之遊次夕

抵雙谿宿

老落樊籠苦怨春遠窺高鳥愧閒身虛傳花信頻驚夢
久託山光早結隣可惜煙雲真易過不嫌風雨如難親
千峰直入雙谿宿笋粥松醪羨野人

黃土頌

滿巖雨洗杜鵑花血影搖谿翠滴沙屋角輪飛湍杵雪
樓頭篋引水穿家抱來麻子如兒哺由得狙公對客譁
莫道不怙人境外烏啼終日喚耬茶

泉口道中逢程能一話舊

雨笠欹風趁野亭故人驚見眼雙青竹關二十年前語
山路尋常世外形好画豈容飛去盡新詩須是誦來聽
回來湯口閒相訪拄杖還期挂酒餅

楊干道中

一灣流水一灣花一片青山一片茶茶未展旗愁宿雨
花先過信怨殘霞邨園杉柵沿蹊短岸掛松牌趁溜斜
尋向深源深處問誰家不道晉唐家

桃花巖狎浪閣對雨

急買籃舁春已遲峭開草屐雨偏知瀑翻翠巖雲猶怒
雪吼紅崖花自癡天籠奇峯收欲去客憑危閣望難移

縣龕幾斛丹砂水洗得心閒問有誰

白龍潭觀飛瀑

丹砂峯下白龍渦尾決崩雷銀漢浪花障錦流紅躑躅
苔茵玉迸碧磐陀古今淘汰膏肓癖天地奔騰塊磊多
何事喧爭畱不得狂夫老祗愛狂歌

朱砂庵鍊魔堂

蒼磴雲搖不敢扶渾茫四望接虛無一瓢到處堪容老
莖草移山亦是愚木蓄蒼花微笑冷石菖蒲水急流紆
欲存太古軒農意莫把池臺入畫圖

神廟時始敕為慈光寺數年來好事者竭貲修拓極其闕嚴當亦非晉門禪師開山初意也嗣居此者愈難為力矣寺左有本蓮花相傳震旦

惟此一
株

望天都峯

雨痕縹緲貫寒煙，百道明霞挂石天。
松盡攢鉞浮翠葆，峯渾淋漓載雲輶。
頻伽瑞聽雙飛鳥，震旦孤生一樹蓮。
紅木黃精隨手得，不知何處飭羣仙。

山中所謂山樂鳥即佛經頻伽鳥也

雲谷擲盃禪院

白雲隨我渡谿來，菜甲茶槍徧碧苔。
松繞峯身全石性，香收雨氣養花胎。
杖穿虎跡巖光冷，瀑帶龍腥潭影開。
自此披榛欲長往，不知猿鳥可相猜。

巖陰有虎窟下有九龍潭

文殊院

卓足懸崖縱眼觀，晴雲敷座石牀寬。
峯爭侍立呼皆應，花挈隨行飢可餐。
度峽空如擎羽蓋，登松安擬坐蒲團。
草衣木食人何在，月窟仙燈碧影寒。

登蓮花峯絕頂

千霄蓮霽忽開房，萬壑風搖草樹香。
天墮花中真偏側，松眠石罅最蒼涼。
丹梯水接孤雲跡，碧漢峯銜獨木梁。
到此已如登上世，攀龍今欲夢軒黃。

宿鍊丹臺

絕磴平天路已窮，忽穿乳脇破高穹。
石林雲沸流丹液，玉笋光搖貫白虹。
鼇抃峯欹銀海動，龍驚松化鼎湖空。

風雷雨半催詩卷危坐吟殘宿火紅

臺對鼇峯人穿鼇脊過始得至

後海二首

導客神鷗去復還引鉞折線筭聯班明知非海翻疑海

奇在真山不似山競欲支天隨石長何嘗浴日放雲間

此中莫道無兵氣猶見蚩尤霧犯關

引鉞折線筭砧皆峯名山中惟有二

鴉能迎客人以為神

欲瀹香砂上藥銚白猿招手坐松梢枯楂疑是放光木

怪杖尋分靈壽條肉食者來雷亦怒丹成人去石還燒

我行前後過天海蹴起洋湖頂上潮

蓮花峯頂水中沙瀹之作蓮花

有黑白二猿恒往來其上枯木著雨衣置室中有光非老于此山者不能辨也遊人攜肉入山者屢有雷

異丹臺有石可焚能作五色煙

泊清谿感舊

夾谿雙堦卓寒煙不覺曾遊十九年今日江城空宿艸

何時得見故人傳

謂予及鍾與父也

江畔人家酒易沽可憐谿影照人殊往來兵艦尋嘗慣

誰記康家舊小姑

烈女康清姑清谿人正德中事載池志

白頭夢對山賓子生此吟殘涕淚真既無故侶堪投老

雖有新詩不示人

吳子山賓時居山中未得晤

鉞星三十生日詩以勉之

蹉跎嗟爾壯歷落見吾心生漸苦殊昔亂方憂在今良

裏千日酒變調一家琴大被猶無恙餘歡及早尋

憶我年三十爾方五歲童有孫期似祖得子亦如翁梁

父吟難及神農經可窮教飢誠細事力養脊微躬兒得

之年適與我同今亦五歲就壘矣兒粗通神農本經將欲令其賣藥郵市

諸男唯爾長家督允稱宜養拙聊耕隴耽閒且學詩寡

交終免疾多病漸成醫履道思操行當如戴若思陸機

若思亦年三十

繫世行居長為人兄更難累緣兒女早貧賴祖宗安人

事復奚問天倫尚苟完此山三十載忠孝屬誰看予自

以下五世皆行第一丙戌九月兒生三日先文節及見之而後永逝故絕命辭有云匿影此山三十載

許兒子孝即臣忠之句今倏三十年矣

閉門吟

老脚乍衰出門嬾兀坐鈔書嫌日短眼昏手倦一欠伸

強起支繡拂茶盃稚孫能誦老夫詩宛如嬌鳥鳴春枝

西風吹倒倚鐸杖仰首高天有所思今古九州原偏仄

勞兒心路邈無極壯年得志能幾人牖下老死千萬億

稂莠不種生滿塍嘉苗力耘猶不登穴居多畏鴟鴞笑

粒食還遭雞鶩憎萬類芸芸荒天地造化權衡果何寄

治亂顛翻晝夜更聖賢豪傑空多事俗儒帖括侮六經

至道不明何由行非聖書多流甌遠秦虐豈在焚與阮

尚想神禹德難量九鼎若存當改創末世網兩皆人形
易鑄形難鑄心相出門聞見安忍言有情未免增煩寃
生身但求死心法一味空山老閉門

題画

欲逃塵跡掃江天手劈懸崖掛一椽醉眼風波全不涉
中流嘗抱釣竿眠

老眼窺天不覺癡樹根枯坐竟移時何如洗硯山窗下
畫出空林半幅詩

喬木從來不苟榮凌空難報雪霜情可憐叢薄無風槩
畧得春來到處爭

素心能託萬山寒墨瀋如同沆瀣餐風味蕭森手載上
古人我更愛袁安

餘生詩藁卷五

歷陽鷹阿山樵戴本孝

乙卯迢迢谷與諸兒守歲



誰能復駐歲老竟不由吾今夕共無寐此中何太孤鄉
宜今古醉谷讓子孫愚亂世酬先德惟當慎所趨
一室關天下掃除期眼新長吟聊永夕細雨畧知春酒
似能扶老花偏不厭貧應憐天意厚破硯許全身

丙辰元日記襄

妖霧尚迷曉柴門亦嬾開誰將風伯助奪得夕陽回魂
返橫窗萼心驚隱几灰可憐六十載吾似未生來

迹不煩掃雲蘿自擁門詩書慙道味樵牧受山恩茗
薦幽巖乳香燔古樹根一年虛一日轉眼負乾坤

邗上贈孫桴庵

一絃琴自鼓真意喜君多老矣愁安在歸與貧奈何故
峯雲外夢客跡水中波此地驚濤甚吾來亦浪過

贈范十山

時避謗
客邗

昔醉五狼前蹉跎又十年詩名攻老倦家累賴貧全慎
戢兵戈氣休招筆子權短衣足長嘯畫粥守遺編

過文選樓訪鄧孝威

時方選
名詩觀

樓黯梁時月人尊漢代雲天猶扶老眼筆足點離羣歷

下繩唐調邗流運古斤千秋風會在搔首對斜曛

李武曾黔游還復自潁川過邗將歸嘉禾過訪邗

次兼得劉公賦近問

十年方再見萬里喜孤還惟有詩瓢壯何嘗煙棹閒雨
攜邗上手風致潁濱顏此後尋嘉會覓銷幾處山

過姚伯輔聖艸亭

破廡一遺老瞿然抱易林卜錢隨日飽佳句不時吟垂
準若縣瞻開眸恒見心醫巫間外客此地更誰尋

雨過黃仙裳不值後惠詩見存依韻奉畱

晨星數佳友歷落苦西東江海歸詩派行藏見古風孤

芳騫鄧尉

孝威

高嘯想孫公

豹人

期古見顏子汪洋雨一蓬

過蘭州謝漢襄話

我友皆君友君心適我心君修折後展我補破來琴斗
酒鷗同聽庭堦鳳自吟蘭河接江海相對豁幽襟

黃奇生為余作破琴覽鏡圖小照賦衷

世態閒看隔峯嵩寸田尺宅總難同我原無我何從得
身外生身到處逢自笑形神空稿木君能工歛有春風
王門峻絕耽危坐覽鏡應憐矍鑠翁

贈楊季先長歌兼示頓公伯輔寄襄惲正叔

我嘗愛歌君家拊缶歌古今蕪蕪滿眼何其多君拊君

缶我欲舞我歌君聽君如何人生固當勉行樂志士從

來多落拓杯中到處長愁根此地繁華徒燕雀見君須

眉匪等倫假榻入座無凡賓温飽藥餌輒推解故人稱

述何津津花林逋禪但微笑咸平布衣歎同調有客南

田老画師與君同源稱二妙寫來半箒和州花

牡丹志謂玉樓

春為和州花產獨盛

老眼奪光如璫霞后土祠前黯無色徐黃擲

筆還咨嗟愧我枯毫掃山骨驚見奇芳空咄咄出我三

十六峯雲易君二十四橋月

正叔為季先作蝴蝶牡丹余以縣海雲蓮圖易之

昨夜濤翻枕畔流江海聚散生離憂子規勸我亟歸去

且復種豆南山幽計君長我近千日我髯如雪君如漆

始知苦樂各殊顏何日開眉長促鄰

孫豹人滯豫章深以為懷却寄

生年嘗嘆與君同白首相看各轉蓬寧為飢驅偏失路
却因愁絕每書空音高鸞鳳雖云遠道在龍蛇那諱窮
斯世歸來何處避竹西原不是墻東

豹人與子同庚

廣陵逢田伯話舟次

吾輩行藏志相憐大抵同虛名原画餅實意耻雕蟲柳
折隋隄月心搖海岸風兩家兄弟好努力看鴻濛

望東臯返棹

矯首東臯外翩然興可乘那知中道苦偏恐近時憎枝

葉衰柯戀風濤古岸憑誰憐惆悵意寧敢怨僭簷

邗上逢伯紫

日昃廣陵市驚看客眼新問余遊太華向爾說西秦詩
憂終難割交殘近易貧蒼龍同鄙性依舊不堪馴

伯紫送下

游太華詩有云逢君慣作猶龍嘆一入名山性便馴之句

雷塘感事

橫流驅烈日民欲化為魚簫鼓仍官舫桁楊尚里閭高
天寧太忍薄海苦安居坐此真如沸誰傳燎羽書

雨泊壺盧套時水漲為災

五月磨刀雨淋漓滿客裾灣多帆影亂隄潰柳行疎蟻

麥腐如墨魚苗細似書模糊天有意沈陸更何如俗相傳五

月十三日為漢壽亭侯生日磨刀雨節恒驗

盛夏災如此麥秋空可哀難窺天浩蕩不盡我低徊節

雨土歌女文波水秀才等閒觀物性愁絕轉顏開神農經虹

蚓一名歌女諺云屈蠖唱歌有雨不多水秀才水上四足蟲名羣錯行波面

月泊東葛城一望漲潦無際即事感衰

月似貪人看煙能護野栖心縣帘外酒夢逐枕邊聾白

浪邨仍哭紅顏估自攜莫將天意問誰道物難齊

逆旅覽鏡

丈夫一尺面嘗帶九州塵蕉萃復何惜衰遲良足辛安

能不飲酒或亦可垂綸最是封侯事言之極愴神

和鶴問竹瓦歌原韻

一片筠心受多福誰向幽巖剖寒綠良工心手付勞篋

摩挲纈栗猶黃玉勁節巧化為溫柔青光且勿寫露修

豪氣欲除友金石看此猶勝看吳鉤我及老嗜冥揆者

爰哀同心頌竹瓦此瓦菁菁何處求湘波漬臂濕漣漣

霞簡探求禹穴書韋編未貫飛蟬魚籜龍解甲若分券

冊勳南面歸隋渠詩卷欲飛雷電起六丁四壁鬱蒼紫

龍伯居然鎮上頭半掬幽光嘗透紙投竿何用釣珊瑚

腕前粲粲如三珠西臺如意既已碎賴此拄頰吟伊鳴

君不見富貴所尚何其豪淫蠅競欲嘩仙墩豈知千秋
厥寶在竹素舉世攸侈徒錢刀著節豈復論甘苦刀筆
珣文追石鼓他日功名炤汗青分符應謝南山土雷塘
五月濤如山羣歌竹瓦聲潺潺好冠竹冠杖竹杖共醉
竹西竹葉還

五月東遊還迢迢谷苦雨觸裏二十韻

四山迷不見孤客跣空歸奔澗有餘怒溼雲皆嬾飛水
黃憐稻病麥黑愴農飢惱鴨污環砌嫌蝸篆到幃粉痕
殘笋節碧淚灑垣衣夕炤能翻影朝霞慣掩暉東牆頽
石脚西嶺翳煙扉月惡南風競五月南風主大雨雲屯北斗

河強淮更弱江逆海難違

時因黃河失故道逼淮入高寶諸湖復以雨漲潮湧故爲

災特甚

虎視鯨波壯雞栖雁戶微亂流公莫渡中澤我何

依茅屋隨苔爛瓜棚信艸肥陰驕頻失節雷奮已無威

是夏雷每不能發聲

海面看桑樹山頭想釣磯湖寧神姥妄天不

祀人非白髮復焉濟蒼生誰見幾漂流初示警昏墊訊

堪祈兵甲何時洗漁蓑望日晞衝泥侵井竈捲浪夢旌
旂伏枕渾無寐揚戈幾欲揮

大雨嘆示兒子

十日雨作半日晴崦嵫黯淡氣難泯天東黑濤疑海翻
千山頓匿勢尤窘何來列缺崩金虵倒井歷天猶裂瓜

忽然一吸截萬歎忽然一吐攢千霞際此何能不土色
定有妖龍能不測但恐地軸竟欲沈張火坐夜眠那得
山頭乳犢收不來狂雨打殺人驚猜水荒千里困漂泊
農家蟻命誰當哀君不見上江滿城惟白骨白浪聲聲
帶鬼哭此後誰家是我家兒輩休嗟破茅屋

木斑竹杖

竹而木實其腹節何促文何縟堅于骨栗于玉健吾足
矯吾目入吾手兮輕岳瀆

畫中偶得

豈復猶塵境伊人如此幽天能容嘯詠筆自美林丘曲

折危梁跨汪洋小艇游誰知淺淺意今古信沈浮

丙辰卒歲四首示兒子

幾年江海沸如麻忍復蹉跎問歲華前路既然非我輩
後來知此是誰家邨深喜雪頻封樹梅老慙春嬾作花
敢戀安栖忘日月可憐點點舊寒鴉

何嘗壯士得翻車誰料狂夫尚有家粗糲百年餘井臼

精廬千古伴袈裟尋嘗婚嫁尋嘗畢傾刻雲煙傾刻賒

舊恨逐年除不盡衰眸空自守燈花

是冬碧落精廬始成向平俗願復畢

但未卜此身何歸耳不覺爲之憮然

儉歲寒爐火獨奢短簷煙氣黯殘霞飢憑樵市朝供米

夢賴雲根春養茶飲手何妨窺剩局傷心到處浪橫笳
今年寂寂全偷過惆悵山堂鼓莫搗

幽澗層冰積雪加寒威難敵老難誇空騎朔氣窺春舞
誰驗邨更檢歲差安夢開顏官廩粟紛疑啄面戰場沙
深宵短燭餘長歎兒輩何堪不惱爺

丁巳元旦大雪新霽碧落精廬禮慧蘭禪師暨
先文節公遺像

亘夜若白曉獨徵山雪力千峯擁寒噉陰氛淡無色振
衣誦明發焚香念先德開門覽前途縱目絕塵跡互澗
泱幽絃僵柯列明戟一望徹工樊四顧失阡陌嚴已削

狐踪深可沒牛脊簷牙看漸長屐齒頓屢塞衰骨懾敝
裘高步仗短策精廬何皎皎神光儼赫赫東發感昨夢

去冬先嚴授
夢詳述告文

西顧眷此宅

西顧巖卽精
廬主峯也

生死付穹蒼今

古共虛白皇皇經世儒炯炯彌天釋一禪冥佛名一經

抗臣職一鎚迸奇光一矢洞忠膈碧血焉得寒丹心長
不熄正史摛遺忘空山足採擇瓊茅徧白毫若華湧素
壁乳窟突雲煙香龕照金石日月自環周天地終開闢
今日肅趨踰此心良怵惕可憐守舊工尚未見新曆

送二弟無忝偕陳三季箴遊陟州

春早相將學遠遊巾車千里亦何求燕家井在葭堪洗

王屋山空花正幽，劍俠名虛仇未報。笛鄰聲斷泪難收，
須防柳下人看鍛。聞見於今更可憂。

詣鼓山問霍巖道人疾至時已入塏七日矣

一手栽成十萬松，翠陰空鑲白雲峯。湖山那肯容人老，
忽逐春歸不再逢。

建刹何妨竟一莖，開山那足了三生。誰教危閣衝烟表，
猶悔鳴鐘鑄未成。

二十餘年三尺龕，孤峯絕不許人參。思將罵世通消息，
聖少凡多總不堪。

嘗同卓杖羊山頂，共看懸湫龍石門。今向青林迷去住，

徒從白骨語寒溫。

詭燕

盡力營巢祇自安，依人檐下語多歡。可憐精衛將誰助，
似爾真難託歲寒。

燕窩

借得人家挂一壺，鈎簾偏讓我將雛。微軀獨有安栖法，
秋去春來總不孤。

蒼山白龍瀨茶歌

丙戌春侍

先君子裏創憩蒼山巔至今三

十有二年矣追念舊遊何殊夙夢二三白頭僧

一見相慰藉昔先君子所賦蒼山諸詩山
僧猶傳誦不少忘共啜龍瀨真茶深夜靜對因
述仙山近貽茶累感歎靡已紀之以歌付杜多
吾一存之

古潭一尺水乃在千仞巔傳有白龍伏其下至今靈異
非偶然當日希夷聞到此自焙潭影飲潭水忽見老龍
張雪髯噴沫爲霖雲觸起後復枕流臥正濃蜥蜴一雙
游鼻中鼯聲野風響萬壑樵人驚聽來相從冥然一麥
推不醒仰天鼻孔西風冷亟含潭水喫麥面霍焉坐起
若深省却看潭邊四脚蛇銜來一艸紫茸芽希夷嘗之

頓不睡誰知乃是仙真茶自此希夷入太華白龍蟄法
傳當謝畱得茶根浪得名麥去潭空龍變化潭中龍子
何其馴紺腹青脊隱蒼鱗掬入掌中若可擾時聞潭底
聲殷殷君不見郡縣雩壇恒艸艸請龍不來向潭禱暴
巫焚尪徙市來長吏誰堪龍不惱又不見山僧養茶當
仙藥乳白蘭香釵股脚仙人那知貽累深口腹相戕厲
誅索先子蚤年名山遊賦詩采藥蒼峰頭歲晚謀建一
莖州支筇裹劒濯寒湫三十餘年我再到夙夢驚殘轉
悲悼新眼中人誦舊詩更采新詩存舊好我昔騎驢太
峯回一手欲挽希夷來笑道蒼龍嶺雖勝過白龍瀨爲

問可有白龍瀨上真茶啜一杯真茶難不死澄潭空可
哀今日希夷安在哉

白石洞天歌

洞天記白石山周迴七十里第二十洞天也在歷陽西南一百里唐開

元中勅禁樵采賜名禱應

世間往往有仙窟不見仙人何處來仙人在世人不識
使我悵歎空徘徊歷陽有山名白石相傳是古彭鏗宅
號爲瑤秀長真天天外嘗有游仙跡大歷道士商栖霞
絕粒其中嚼瓊華後白玉蟾亦嘗到出入銀漢乘浮槎
我來凌空踏曉日滿天白石寒瑟瑟捫蘿附葛窮崖岸
蒼狗躡衣亂驚逸下尋洞口抉冥密感沸笙簧細鳴溢

道逢樵叟爲我悉此中靈闕難具述欲期深入莫淺出
得窺仙奧豈凡質賈勇凝神志專壹匍匐僂僂任兩膝
靈龜曳尾堪相匹人間火入光盡失塵眼雖開雙漆漆
心怵膚粟股亦栗俯顧果類禪申蠲直前注視生奇光
忽見雙龍鱗鬣張天關虎豹誰爲強天矯玉骨蟠乳牀
雲巢石燕驚迴翔赤蝠倒掛丹毛長玉液石髓和雲漿
鐘鼓磬簫鏗夏撞雲雷龜龍蟲鳥章天然夏壁垂千行
窮幽極遠前莫量洪流中斷徒望洋始信仙凡自有別
仙源何嘗與世絕天地一身如轉轍川岳周流骨與血
洞天福地分隧穴真仙神鍼善剔抉濡須鳴邊山岫嶮

表江裏湖困雄傑今古荒燐煙艸滅惟有仙人似冰鐵
興亾滿眼心不熱頰看戰場如螿垤君不見白石窪頂
如汨丸白雲片片芙蓉冠石芝五色渾玉盤我非仙人
不得餐長真觀前白石爛當時雲樹風掃殘摩挲石欄
不忍去恨不此身生羽翰吁嗟呼大嘯日落千峰寒

狼食牛行

山邨老牧上山愁白頭那見狼食牛貪噬得意苦不休
引類白晝然遊東家哭牛如哭子牛失歲歛何由收
我有老特礪額角乳犢腹下何濯濯狼流毒涎前且郤
怒特血紅雙眼惡哀鳴繞犢狼錯愕牧掣長鞭響林薄

狼顧從容跛自若轉眼前山貫牛膊安得壯士射天狼
引滿欲發心皇皇

生日示兒輩

生也世何補歾也世何惜生死無足關速朽固爲適死
者謂歸人生者乃過客自我作客來今古際奇阨三綱
胥壞絕二曜竟淪蝕君父一喪亾骨肉總蕭索心死灰
一寸形枯影七尺四壁且爲家五岳亦浪跡繁憂苦萬
千衰齡越半百雖有五男兒類皆不堪責忍飢旣無術
治生寧有策不能讀父書何堪沛祖澤故山先人廬世
波一汎宅茫茫桑海煙誰能辨阡陌苦客將必歸大患

庶可釋返真得至樂升魂而降魄天地不爾我世俗
鬼或化者喜無礙何事更阻隔衣衾非我膚棺槨非我
骸身外紛纏錮自然不爲德千古楊王孫皇甫士安識
羸葬篤終篇何其獨超特夕死瘞在朝朝死瘞在夕形
家哆邪說曩哲所深劈孝子豈求福擇地惟不食何爲
山川秀但依祖父側生我知者希死我弔奚益不過此
青蠅何煩彼素幘流俗之虛文神鬼攸深斥腐儒牽禮
制達人抒胃臆治命在平時行之自古昔我死期兒輩
力遵慎毋惑古之孝子孫不以是爲忒今日吾生日生
日述死則家人小治具爲我怡顏色爲歡及晨昏猶勝

向窳窳此言多吉祥事變安可測古來戰場士豈能盡
馬革曠觀閻生死勵躬飭金石但克契吾言庶不愧子
職

先文節府君忌辰奠于碧落精廬

九月二十七日

三十餘年此日哀花飛木脫夕陽隈香龕煙冷雲嘗起
竹逕風深月掃開野客頻知隨我拜新孫競喜逐秋來
他年松外西窗下隱几誰憐寸寸灰

是月鉞星與星雨
見各再舉一孫

精廬西偏隙地復結一茅以自容名曰蛻峽

人生如巧蠶終取自纏縛展轉出縛時變化失舊魄爾
空自可棄何棄復何作顛倒豈自知來今忘去昨可憐

人較蠶尚不克蠶若蠶蛻繅繭絲衣被天下著功乃履
章服死不辭湯鑊惜死與偷生惟人不知作心腑一污
敗皮骨遺臭惡見者恒怵惕聞之遽駭愕慟悼或所親
唾罵或所虐禍福本無嘗邪正各有託生願得死所身
老與心約世惟人可畏人遠我始樂空山三脊茅仙鼎
九轉藥小山恣踟躕大命委寥廓愛此西巖頭顧我東
壙躑百年不崇朝七尺亦枯穉神藏形自化影匿跡可
卻此路人共趨禍門世偏鑿此中何所有真空無可索
化以此爲尻生以此爲榔命之曰蛻峽高蟬動深諾用
是笑蠶巧功多災不薄寒柯抱露蟬淒清良澹泊

雲鴻

雲鴻羣起遍天涯秋盡狂夫尚在家露冷不容枯黑稻
霜遲似解惜黃花偷眠窮谷何嘗穩擊機中流自可誇
昨夜柴門萬里客臨風惆悵問龍蛇

謁雞心山祖墓

丙戌山松
應時皆枯

老父當年絕粒初故山松柏一時枯酒澆不醒傷心艸
淚冷難消滿面珠雞籠看如斫地劔鷹阿說是仰天壺
子孫切莫忘霜露誰識春秋拜鼎湖

履聯本
形家言

紀異歌

西家老牛夜產犢牛犢犢與鳴欲觸主人亟起吹火看

犢前膊間多兩足向牛長嘆空銜耒田家愛犢如兒郎
此犢胡爲怪若是不知當主何災殃老牛聞語若肯首
遮犢無乳離犢口多足縣蹄亦贅疣操刀一割復何有
近來物異何其多多異不異將奈何興徭廢時奪民力
占知牛旣良非訛君不見江南嫁媼催造急四路斧斤
厲誅索工役豈奔不得食窮閭輸運無人色日落雙星
爛黃白金芒犯木何待測君不見前年人家地上生白
毛民勞財竭何能逃又不見今年三山市裏朝出禾白
青數見寧不恐我紀異歌心先動

戊午元日雪霽長歌示樵人

大雪歷臘尾還完年債斷年米白霧蓋年頭山田空喜
水田愁近來五行多不驗天見今人天亦厭農家何苦
求豐年年豐年歉皆可憐豐年米賤難得飽全收那足
完官錢羽檄飛徭飛不絕官艸官樹又官鐵徵楚米散
淮鹽但見苦者苦誰知甜者甜胥蠹下鄉察稅簿貂帽
羔裘作狼顧里正騎驢紛上戶烏船沙船索捐助城市
間架錢通行封椿得此何時盈不若諸生頭上爵賺得
郵豪亂傾橐去日已去來日來幼且勿喜老勿哀醒者
何如醉者樂死生治亂天安排我乃空山一樵長閉戶
樵歌笑拊掌那得聞聽世上愁衝寒看雪西峯上

人日嘆

今人之日復何日今日之人誰可人
薄海蒼生方在夢
沙塲白骨豈知春
艸管似此曾無命
竹帛看來若有神
適喜晴暄開老眼
空山木石且全身

守硯庵水仙來自莫愁湖喜其盛開賦絕句四首
以醉之

碧盃青沙白石栽
深帷淺水養纔開
道人愛向花間醉
掇得明珠入掌來

莫愁湖上長愁根
粒粒春愁鴨嘴吞
吟對山窗冰雪滿
梅花影下共銷魂

六出雕盤白玉寒
金樽傾盡羽衣乾
真仙那作人間事
綠字斜披倒薤看

燈前綽約藐姑妝
蔥蒨參差間額黃
自伴清芬煙月冷
虛堂久不敢焚香

發春西風甚勁占者謂兵氣也漫賦

莫怨西風不避春
東皇何惜此良辰
黃沙頓失青山色
綠酒偏傷白髮神
花月且容茅舍古
荆榛那厭戰場新
可知太白生苾意
誰信桑榆更挽輪

東杜三楚芳訊老梅勝常否

十餘年不到君家
寶樹堂前煙艸遮
幽結三間小茅屋

香橫十丈大梅花每慙俗客能來賞偏是在夫與嬾賒
幸得孤芳同散木斧斤今已遍天涯

江南時造戰艦
伐木之令甚厲

邨背嶺下見一珠泉可愛

陰叻幽泉冷濺珠澄裏不覺對躊躕遠逃世味寧歸淡
近引農功且合污方鑑嘗涵山鹿影團瓢擬屬野僧俱
好敲石火燒松果帶月和煙煮一壺

去秋五男析居分養抱茲苦心良獨內愧千載元

亮同感焉兒輩慎哉兼示無忝

操行先慙汜稚春飢寒早切五男身各求菽水歡爲孝
但飽詩書樂始真甘忍同生寧異費苦教後輩念前人

年荒世亂兼貧病兄弟相憐細討論

觸感舊事

南北空悲牛馬風何堪大耳更元凶既成五月終
逆溯三朝僞上公安夢丹成長樂老奸宜鐵鑄太平
無情煙月秦淮水只把興亡當轉蓬

石印三行集
 卷之四
 詩集
 石印三行集
 卷之四
 詩集
 石印三行集
 卷之四
 詩集



